




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
841/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
841/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
841/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
841/A

(2)  
841  
THEODORI BEZÆ  
DE.  
PESTIS  
Contagio & Fuga  
DISSERTATIO.


Accessit  
ANDRÆ RIVETI ejusdem  
argumenti EPISTOLA;

*In quâ & mos, cadauera mortuorum in  
templis sepeliendi, redarguitur.*



LVGD. BATAV.  
Ex Officina Elseviriorum,  
A<sup>o</sup> cl<sup>o</sup> l<sup>o</sup> cxxxvi.









V. CL.

ABRAHAMO HEYDANO,

Theologo doctissimo,

ADOLFVS VORSTIUS

S. D.



D umbilicum per-  
ducta est tandem,  
Vir amicissime, hu-  
jus editio libelli, tuo  
cum primis hortatu atq; im-  
pulsu à me procurata. Debu-  
isset illa quidem maturius, &  
mensibus abhinc aliquot pu-  
blicari; utpote fervente tunc  
præcipuè ea, de qua hîc agi-  
tur, controversia: cæterum  
justæ variæque causæ Typo-  
gra-

\* 2

gra-



P R Æ F A T I O.

graphis fuerunt, cur ante hoc  
tempus id exequi nequive-  
rint. Non cessit tamen aut ti-  
bi, aut publico in detrimen-  
tū longiuscula ea mora. Cum  
enim antea magni tantum-  
modo Bezæ absolutissimus  
hic tractatus, seorsim ante  
annos circiter excusus sexa-  
ginta, prælo, ob exemplarium  
penuriam, à nobis esset de-  
stinatus; nacti sumus postmo-  
dum ejusdem argumenti epi-  
stolam doctissimam, amplissi-  
mi Riveti nostri, viri & Theo-  
logi eximii, partū nuperum.  
Cujus nunc accessio fœnoris  
quasi loco est, editionisque  
tarditatem compensat egre-  
giè. Lecturis hæc quippe de-  
inceps



PRÆFATIO.

inceps non poterit non cognitu jucundissimum esse, quo pacto duo præstantes viri, eodem sub cælo nati ac professione haud absimiles, in eâdem asserendâ veritate, ad amussim propè conveniant, nec tamen per omnia dicant eadem. Præclarè equidem de hominibus merentur, qui hoc modo morbis animi, quàm corporis multò periculosioribus, erroribus dico, medelâ adferunt. quorum sicuti nullum non seculum ferax fuit; ita ex iis nonnulli, per certas temporû casuumque vicissitudines, tum nasci magis, tum verò invalescere etiam solêt. Omnium

\*

3

au.



## PRÆFATIO.

autem maximè pertinaces ii  
deprehenduntur, qui cū reli-  
gione conjunctionē aliquam  
habere videntur, quibusque  
tuendis sacrorum autoritas  
voluminum in patrocinium  
adducitur. De hoc genere  
falsa quorundā ea hodie per-  
suasio est quæ pesti, morbo-  
rum uni ex omnibus præci-  
puè formidabili, contagium  
detrahit; eoque omnem illius  
vel honestissimam devitatio-  
nem, aut turpem, aut inanem  
esse statuit. Si quis enim pau-  
lò cordatior nasique emun-  
ctioris his se opponat, facilli-  
mè apud imperitos & super-  
stitiosos nimis homines, apud  
quos recti locum jam tenet  
insanus



P R Æ F A T I O.

insanus error, fidem non invenit. Quin vera dicam, tute, vir præstantissime, omnium optimè perspectum habes: qui cum opinionis hoc monstro, magno animo, majore judicio, ac summa oris facundia, stupentibus nobis, non semel publice in ecclesia decertasti; ita ferente temporis proximè elapsi calamitate, humanarumq; mentium cæca caligine. Quanquam verò, quæ tua est suada, sententiæ hujus absurditatem omnibus jam persuasisse deberes; non desunt tamen quibus hanc etiamnum insanire lubet insaniam. quam si neque Beza, neque Rivetus, Theologo.



PRÆFATIO.

logorum ὀρθοδοξότεραι, eximere valent solidissimis suis argumentis; utique ad medicos ablegandi erunt. Urbis certè nostræ miserum funestumq; satis anno superiore fatum erat, etsi ad cætera ejus infortunia hæresis hæc, quæ Turcissimum sapere videtur, non accessisset, animosque quorundam, velut altera pestis, afflasset. Horret animus meminisse, quæ te narrantem audivi. Vnum è multis referam, maximeque notabile ac tragicum. Imbutus hac opinione non nemo, cum peste languentem ac moribundā cerneret uxorem, filioloq; imperavit suæ, ut matris, nihil tale postu-



P R Æ F A T I O .

postulantis, cubile adiret, ex-  
tremoque ejus vel alloquio  
frueretur, vel saltem aspectu.  
Illa per ætatem tenellam, &  
justis formidinis causis mo-  
ta, reniti sæpius modestè: do-  
nec tandem per vim eò in-  
troducta, flens ac trepidans,  
hausit confestim pestilens  
virus, quo brevi post ma-  
trem intervallo extincta est.  
Hactenus rigidus pater nul-  
lius sibi conscius mali. sed  
postquam te pro concione  
morbi hujus audivisset asse-  
rentem contagium, nec lice-  
re temerè cuiquam se suosq;  
ejus exponere periculo; con-  
scientiæ mox stimulis agitari  
cepit, factique cum sui pæni-  
tere.



## PRÆFATIO.

tere. Hic fructus fuit tam præfractę sententię: in quam si aliorum pertractus est suafu, videant illi quam Deo aliquando reddituri sint rationem. Mirum è Theologis inveniri potuisse, quibus huiusmodi placeret commentum. cum medicorum filii, ad quos ejus rei propriè pertinet judicium, omnes unanimiter stent pro cōtagione. Unus tantum, quod scio, repertus est, ante annos viginti & amplius, Hieronymus Perlinus, Italus; qui non modo pestis, sed omnium propè morborum contagiosorū naturam, edita declamatione, oppugnatum ivit, opereque per-



P R Æ F A T I O .

perscripto pleniore se id demonstrasse tradit. quod, cum lucem nunquam aspexerit, quantæ fuerit soliditatis, nemini constare potest. Plus profecto apud nos valere debet omnis ævi medicorum, omnis ordinis hominum sapientiorum constans de hac re consensus, quã hujus unius delirium & ambitiosè affectata *ᾠδοξολογία*. qui, cum inter mediocres recentioris seculi medicos censeatur, ut alios nunc omittam, viros in arte nostra summos, cum Hieronymo Fracastorio, assertore hujusce doctrinæ maximo doctissimoq;, ne componi quidem meretur. Hæc habet



P R Æ F A T I O.

habebam, vir reverende,  
quibus in vestibulo opusculi  
hujus compellendus mihi e-  
ras. Deus faxit ut voti nostri  
fiamus compotes; hoc est, ut  
lectio ejus ex animis hominū  
perniciosissimum hunc evel-  
lat errorem. Vale, & ecclesiæ  
nostræ, cujus singulare es or-  
namentum, diutissimè inter-  
sis, corpore pariter ac mente  
sanus. Lugdun. Batav. Anno  
clo lo c xxxvi. iii. Maii.

DE





I

DE PESTE  
QVÆSTIONES DVÆ  
EXPLICATÆ:

UNA,

Sitne contagiosa:

ALTERA,

An & quatenus sit Christianis per  
secessionem vitanda.

**Q**UÆSTIONEM sitne  
pestis inter contagiosos  
morbos censenda, fa-  
teor mihi tam inusita-  
tam videri ut ante pauca hæc tem-  
pora nunquam dubitatum fuisse  
credam, quin ea sit una ex omni-  
bus maximè contagiosa judican-  
da, cujus rei testes omnes omnium  
gentium de istiusmodi rebus scri-  
ptores, cuius non contentioso,  
A judi-



judices fero. At nostra demum ætate quæri hac de re cœpit, ea occasione quod multi usque adeò metuere hunc morbum, & mortem inde plerunq; consequentem cœperunt, ut omnibus non modo Christianorū, sed etiam humanitatis officiis neglectis, iram ipsam Dei, præcipuam hujus morbi causam, vehementer auxerint, & per eos penè non steterit quominus ubi hæc calamitas incidit, ruptis semel humanę societatis vinculis, humanum omne genus dissolvatur. Hi verò rogati ecquid tandem possint isti tam indigno facto prætexere, quòd nihil ferè soleant aliud quàm contagionis metu sese excusare, inde factum ut existiment quibus major inest constantia, mederi sese huic malo certius non posse quàm si contagiosum hunc morbum falsò credi docuerint.



DE PESTE.

3

rint. Atego, quoniam hoc *ἡ δόξα*  
*δοξον* non magis probari posse  
 idoneis rationibus arbitror quàm  
 si quis cum Anaxagora nivem  
 atram esse, aut ex Copernici hypo-  
 thesibus terram re ipsa moveri &  
 Solem centrum esse mundi con-  
 tenderet, aliter hunc nimium pa-  
 vorem, qui omnis officii oblivio-  
 nē inducit, aboleri posse ac etiam  
 debere existimo: neque hunc mor-  
 bum non esse contagiosum credā,  
 donec me quispiam vel ex Dei ver-  
 bo, vel aliunde petitis rationibus  
 (sunt enim certæ in ordine quoq;  
 nature *ἀποδείξεις* firmissimæ, quam-  
 diu necessariarum causarum ordo  
 sibi constat) certiora docuerit. Ne-  
 go enim etiam si maximè omnium  
 contagiosa pestis esse statuatur, im-  
 mò ut inevitabilis etiam mors inde  
 immineat, propterea deferendam  
 esse stationem in qua Deus unum-  
 A 2 quem-



quemque collocavit. Nego, inquam, propterea non esse ipsi vitæ anteponendum quod Deo, quod patriæ, quod homines hominibus vicissim aut communi aut privata aliqua ratione debemus. Et hac in re persuadenda multò sanè mallem operam ab iis poni qui de compescenda fuga disputant, quàm de illo probando paradoxo laborari. Mallem deniq;, sicut in scholis loquuntur, in illo enthymemate consequutionem potius quàm antecedens negari. Sic enim non tantum probabilibus sed etiam necessariis rationibus idipsum efficerent illi quod volunt, maximè nimirum ab iis peccari qui ullius periculi metu in Deum vel in proximum peccent. Quis enim Christianus hæc ausit in controversiam vocare, vel si id audeat non ipsius etiam conscientia testimonio, tacentibus



DE PESTE.

centibus quoque omnibus, redar-  
guatur? Esse enim aliquos non ar-  
bitror qui pestem omnibus mo-  
dis, id est, sine exceptione, bona  
conscientia, fugiendam esse cen-  
seant: quod tamen video à non-  
nullis perinde oppugnari, ac si à  
nonnullis defenderetur. Quod si  
qui tamen ita sentiunt, illorum sa-  
nè errori non magis patrocini-  
mur quàm iis qui contrario prorsus  
dogmate nunquā fugiendam esse  
pestem opinantur. Sed hominis  
est certè sapientis auream sequi  
mediocritatem, ut neque quum  
manendum est fugias, neq; quum  
secedendum (nam fugæ vocabulum  
mihi quidem in hoc argumento  
*ἀκυρον* videtur) temerè consisten-  
do, in eam ipsam charitatem pec-  
ces quæ te ad permanendum hor-  
tari videbatur. Hæc autem præfari  
idcirco libuit antequàm ad rem  
A 3 ipsam



## 6 QVÆSTIONES

ipsam accedam, ut quid defendendum, quid refellendum susceperim, omnes ab ipso statim initio præsumant. Age verò quandoquidem non desunt qui ab istius quæstionis explicatione, sitne pestis contagiosa, totam hanc de peste fugienda vel non fugienda tractationem pendere censent, videamus quibus rationibus & argumentis tam confidenter contagiosam esse, id est, quod sine controversia ab omnibus adhuc creditum est, inficiuntur.

Volunt ut hæc quæstio dijudicetur considerari quid sit pestis, unde sit, quæ ipsius causa, per quæ media nobis immittatur, quæ ejus natura, & quis finis. Accipio conditionem. Est enim justissima & æquissima. Sed ista unde tandem cognoscemus? Non, inquiunt, ex *physicis rationibus*, sed ex uno Dei verbo. Delean-



Deleantur ergo quæcunque à phys-  
 icis disputantur: & pro Hippo-  
 cratis & Galeni ac cæterorum me-  
 dicorum libris una Biblia versent  
 medici, nec sit inter eos & Theo-  
 logos, id est, inter corporis & ani-  
 mi medicinam discrimen. Absit  
 vero istud, inquierit. *Nec enim phy-  
 sicas alias rationes damnamus quàm  
 quæ Dei verbo repugnant.* Rectè: Vi-  
 deamus ergo quum contagio ex  
 physicis causis oriatur, ac proinde  
 ex illis prodeat, an de pestis causis  
 physicis repugnans aliquid verbo  
 Domini medicorum placitis tra-  
 datur.

I. ARG. *Ajunt pestem ab Hebræis  
 vocari DEVER à DAVAR, quod  
 etiam significat lata à Deo sententia  
 perdere. Græcos vertere θάνατον, id est,  
 Mortem.* RESP. Esto. Quid hoc  
 ad rem? Neque enim ex eo sequi-  
 tur à naturalibus intervenientibus  
 iis causis.



causis pestem non proficisci quoniam à Deo immittatur, nisi naturales omnes causas morborum sublatas idcirco volumus, quòd nemo nisi Deo sic decernente moriatur, quocunque tandem mortis genere intereat.

II. ARG. Imò, inquiunt, sententiam Dei qua non tantum ipsam mortem, sed & genus mortis & causas secundas unicuique constituit, stultum est contagiosam vocare. RESP. Et quis, obsecro, tam unquam ineptivit ut sententiam ipsam Dei contagiosam diceret? Sed aliud est longè id quod dicimus, nempe inter causas secundas etiam contagionem numerandam, siquidem contactu & attritu multos morbos, alios quidem lethales, alios verò leviores contrahi, quis ausit inficiari, nisi etiam solem meridie non lucere contendat? peccatum certè quo infecti



infecti omnes nascimur, & à quo mortalitas hæc omnis orta est, ex spiritali quadam contagione non absque Dei decreto derivatum est, ac propagatum in omnes Adami posteros. Itaque nulla prorsus illius argumenti vis est.

III. ARG. *Sed quærunt postea si contagium inter causas secundas à Deo constitutas referatur, quomodo quod à Deo constitutum est effugere possimus: nempe ut ex eo colligant, frustra fugæ remedium adversus pestem quæri, etiamsi contagiosa esse statuatur.* RESP. Atqui plumbeum quoque prorsus est istud argumentum. Quidni enim, si consequutio illa vera est, idem de secundis omnibus mortis causis affirmare non licebit? Age igitur neque comedamus nec bibamus, neque remedia adversum ullos morbos quæramus, inermes etiam milites in aciem prodeant,

A 5 quo-



10 QVÆSTIONES

quoniam vitari mors à Deo constituta non potest. Sed res ita se habet. Vitari certè neque mors neque mortis tempus aut genus à Deo constitutum potest: neq; idcirco comedimus, aut remediis adversum morbos utimur aut adversum hostes armamur, quasi obfistere Deo cogitemus: sed quoniam iis penes Deum relictis quæ nos cælatos voluit, iis utendum nobis est quæ Deo ipso præeunte nobis dictat natura esse ab ipso constituta, ut vitam quoad ipsi libuerit producamus: quod nisi faciamus, Deum tentare & gravissimè offendere meritò existimabimur, tantū abest ut rationes vitandæ mortis ab ipso præscriptas usurpantes in ipsum peccemus, etiamsi frustra illis interdum utamur: quando videlicet exitus patefacit tum nobis moriendum quum nobis adhuc  
pro-



prorogandam vitam opinaremur. Sic reprehenditur Aſa, non quòd medicos accerſiverit, ſed quòd in medicis ſpem vitæ poſuerit. Sic poſtquam docuit experientia contagionem in res vicinas potius quàm remotas ſerpere, accuſandus non erit qui nulla officii Chriſtiani parte neglecta, ſeſe familiamque ſuam ſubduxerit, imò verò maximè reprehendendus erit qui temere ſeſe & ſuos in contagionis periculum conjecerit, quum teſte Apoſtolo ſit infideli deterior qui ſuorum curam tantam non gerit, quantam ſalva pietate ac charitate, habere debet.

IV. ARG. Audiamus verò an firmius iſtud ſit quod ſubjicitur. Ex iis inquit, nominibus quæ peſti in ſacris literis attribuuntur, quæ ſit illius ratio ſatis ſuperque exprimitur. Vocatur autem peſtis Dei manus 2 Samueli.



*muel. 24. Dei gladius. 1 Paralip. 21. & sagittarum quoque appellatione significatur Psal. 31. & 91. Ergo non ex contagio proficiscitur, quum neque manus, neque gladius, neque sagitta contagione vulneret. RESP. I. Atego, præterquam quòd fortassis non immeritò possim in dubium vocare an factis appositè hæc singula testimonia proferantur, hanc quoque consecutionem nego. Nam alibi quoque, ut Psalm. 17, David Dei manum vocat hostes suos, qui tamen naturali ratione ipsum impetebant. Et quum dicitur Dei manus nos fecisse, physica generatio non excluditur: & sagittas in scripturis constat vocari quæcunque mala Dominus hominibus, sive ordinariis duntaxat nature legibus utens, sive angelorum ministerio adhibito, immittit. RESP. II. Quæro præterea quidnam rationē morbi vocent.*



vocent. Naturam ipsam illius in-  
quient. At ego metaphoricis illis  
manus, gladii, sagittæ locutioni-  
bus, non magis qualis sit in sese iste  
morbus significari dico, quàm  
quid sit grando, vel scabies, quum  
dicitur Dominus Ægyptum exerta  
manu percussisse: aut denique qua-  
lis sit singulorum morborum vis  
& natura, quum inter maledictio-  
nes à Deo immittendas in legis  
appendicibus recitantur. Quid  
igitur? nempe naturam ipsam mor-  
borum, quatenus à naturæ legibus  
pendent, physicorum est ac medi-  
corum scrutari, quod usque adeò  
feliciter ac certò ab illis fieri vide-  
mus, ut etiam illos & eorum exitus  
præfagire possint. Causas autem  
morborum & cæterarum calami-  
tatum supernaturales & divinas  
explicat Theologus, docens oport-  
ere nos supra naturam & omnia  
physica



14 QVÆSTIONES

phyfica longè affurgere, quum de illis vitandis aut depellendis agitur. Veram enim ac primariam illorum causam esse peccata nostra, quibus provocatus Deus, omnes illas inferiores causas adversum nos cieat & excitet, ut mortales justis pœnis ulciscatur. Absurdum igitur esse dico ista confundere tam procul discreta suisque diversissimis finibus, nec tamen repugnantibus, sed duntaxat *ὑποτάκτοις* sive subordinatis distincta. RESP. III. Deinde quoniam hoc argumēto contendunt pestem idcirco contagiosam non esse, quoniam manus & gladius, & sagitta Domini vocitatur, quæro ego, an lepra non fuerit Domini manus, & an propterea non contagiosa, ac potius annon quia contagiosa, idcirco secedere iussi sint leprosi? Quæro & illud, Si non est malum in



in civitate quod non faciat Dominus, an non hodie elephantiasis censeatur tamen contagiosa: & libenter ex his qui secessum omnem in peste culpan, quæsierim an censeant ipsi elephantiaços in communi hominum societate tolerandos: &, si tolerandos arbitrantur, cur non etiam in eos declamitant à quibus excluduntur: sin minùs, si propter contagium illos vitandos censent, cur pestis contagium vitantes, sine exceptione tanquam omnium hominum nocentissimos reprehendant. Sed negabunt fortassis elephantiasin esse Dei manum. Agamus ergo de scabie sive Gallica, sive Hispanica, utinam non etiam Germanica. Illam esse pœnam divinitus inflictam scortationi, quæ hoc seculo pro ludo habetur, non puto quenquam negare audere, ac verè esse Dei manum, gladium



gladium & sagittam scortatores  
ferientem. An verò propterea con-  
tagiosa non est, ac non potius vel  
unicum scortum plurimos hac lue  
inficit, qui rursus mutuo sese con-  
spurant, adeò ut non tantum ex  
concubitu, sed etiam halitu & con-  
rectatione turpissimus iste mor-  
bus contrahatur, adeoque & ex nu-  
tricu uberibus ab infantibus exu-  
gatur, & vicissim nutrices vel ex  
impuro patre conceptum, vel ex  
impura matre natum infantem la-  
ctantes hunc ipsum turpissimum  
morbum hauriant? Sunt igitur illa  
quoque argumenta ejusmodi, ut ne  
refutatione quidem indigeant. Cer-  
tè illud absurdum est, existimare  
singulis potius hominibus totidem  
pestes immediatè (ut loquuntur)  
immitteri, quàm ipsum morbi ge-  
nus, quo alii alios contagione infi-  
ciant. Etenim siue omnes uno vul-  
nere



nere interficiat Dominus, sive ut Midianitis accidit, mutuis illatis vulneribus prosternat quoscunq; morti destinavit, quid interest? neq; rursus discrimen est aliquod in ea quidem re de qua agimus, relo ipsius Dei an contagione alterius aliquis sternatur.

V. ARG. *Accedamus nunc ad id quod de secundis ipsis causis commemorant, quas esse negant vel certū aliquem astrorum positum, vel aëris corruptionem.* RESP. I. Neque verò physici, quantum intelligo, omnem pestem aut contagionem volunt ab illis causis oriri. RESP. II. Sed hoc condonemus, & omnes naturales causas pestis ab ipsis commemoratas fingamus. Cedò cur istas semel omnes excludunt, adeò quidem ut eos Sacrarū literarum parū peritos esse velint, qui pestem illis secundum Deum acceptam ferant?

Quo-



## 18 QVÆSTIONES

*Quoniam, ajunt, testantur Sacra  
litera pestem per Angelos immitti, ut  
Psalm. 88. 1 Paralip. 21. Ezech. 9.  
item in historia Sennacheribi, &  
in Apocalypsi, ubi mentio fit ul-  
ceris pessimi. Nam, inquiunt, quod  
Deus per Angelos immittit, ex causis  
naturalibus non est. Fateor id quod  
ad angelos ipsos attinet, quos in-  
ter naturalia instrumenta concedo  
non recenseri. Sed quid prohibet,  
Deo sic jubente, naturales causas  
ab ipsis Angelis cieri? Nam illos  
certè tum bonos tum malos vo-  
luntatem hominis aliquo modo  
ciere, quicunque tandem ille sit  
motus, ambigi non potest, quum  
Satanas in cor Judæ ingressus di-  
catur, (nisi fortè bonis minus  
quippiam quàm malis angelis lice-  
cere dixerimus) idque etiam ex  
Achabi historia liqueat, & ex spi-  
rituum erroris efficacitate. Volun-  
tatem*



tatem autem inter humanarum actionum principia vel præcipua numerandam, quis inficiari audebit? Quòd si angelorum ministerio voluntas hominis non excluditur, cur alias naturales causas illo tolli necessariò existimabimus? Moses erecta virga pediculos & infinita muscarum genera excitavit, horribilem grandinem repente elicuit, ulceribus pessimis Ægyptios percussit. Et fuit certè prorsus extraordinarium istud Mosis non secus ac angelorum ministerium. Sed an propterea pediculi & muscæ ex putredine, grando ex vaporibus per *αἰὲρ* repente concretis, ulcera quoque ex humorum putredine non sunt exorta à Satan accepta à Deo concessione vento repente excitato, & igne cœlesti vibrato, ædes Jobi incensas cum ipsius liberis omnibus



bus subruit: an inde consequitur naturalibus nullis causis interuenientibus id evenisse, ac non potius dixerimus illos aëris principes (sicut non temerè illos vocat Apostolus) aërias illas impressiones verè naturales, momento fabricatos esse? Mittit diabolus pios in carcerem, Apocalyps. 2. 10. sed per tyrannos & Ecclesiæ oppressores. In eodem libro, 6. v. 8. equus ille pallidus cui Mors eques insidet, potestatem accipit interficiendi gladio, fame, & peste, & ferarum immissione. Hic si equitem illum intelligamus Angelum esse, cur non æquè dicemus illum naturalem materiam ad famem & pestem ciendam æquè atque gladium, & feras, quæ & ipsa naturalia sunt instrumenta, adhibuisse? Nam postea 9. v. 1. jubentur Angeli in quatuor terræ cardinibus consistere,



sistere, & ventos coërcere, ne flando terræ noceant & mari: ex quo consequitur, jubente Deo ventos vicissim ab illis emitti, à quibus certè aëris affectiones plurimas, ac in primis contagionem proficisci constat. Denique naturales causæ sive sensim suapte vi ipsis insita moveantur, sive aliunde extra ordinem, sic jubente Deo, ad effecta sua momento rapiantur, naturales sunt, & naturalia hæc illarum effecta meritò censentur, quod inficiari nemo cum ratione possit. RES. III. Deinde si naturales nullæ causæ in peste interveniant, naturalibus certè remediis ne sublevari quidē nedum sanari possunt quos pestis attigit. Atqui falsissimum hoc esse experientia & sensus ipsi demonstrant. RESP. IV. Cæterum unum esse me ex iis profiteor qui astrologiam *μαυηκλω* superstitionis &



& genethliacorum, & cæteras ejus generis prædictiones impias usque adeò execrer, ut etiam vetera ea de re Principum edicta renovari & severè observari cupiam. Sed naturales aëris constitutiones, & quæ inde pender. in nostris corporibus effecta, concursibus variis astrorum adimere, quasi ad solam contemplationem aut temporum distinctionem stellæ sint in orbibus suis collocatæ, nullius, opinor, judicii sed pertinaciæ potius extremæ fuerit; quum & rustici ipsi quotidie istud cognoscant, & tempestates id ipsum vociferentur, & temperiem ac intemperiem contagionemq; adeò ipsam à peritis astrologis aliquatenus saltem prædici posse res ipsa convincat.

RESP. V. Quinetiam age, pestes illas quarum exempla ex sacris literis proferuntur ab angelis immis-

sas,



fas, ac propterea contagione caruisse concedamus. Cur tamen minus absurdum fuerit ex eo colligere nullam pestem nisi per Angelos immitti, quàm si contenderim nullam grandinem, nullum imbrem, nullum fulmen naturali ordine gigni, quoniam ministerio angelorum & grandinasse, & vehementissimos ventos flavisse, & horribiliter tonuisse multis scripturæ locis legimus? EXCEPT. At enim, inquiunt, exempla illa de peste per angelos nobis proposita sunt ad exemplum, ut inde discamus rectè judicare de causis mediis, & origine pestis. RESP. Enimverò quis neget quæcunque scripta sunt idcirco scripta ut iis erudiamur, & omnia quæ de ministerio angelorum non tantùm in peste sed etiam in fame & aliis calamitatibus, tum ad perdendos malos, tum ad castigandos aut

exer-



exercendos bonos in sanctis scriptis referuntur, maximam nobis adferre utilitatem, ut Deum timere ac etiam diligere discamus, qui non sit ipsius naturæ legibus, ut Stoici putarunt, alligatus, & quædam habeat judiciorum suorum instrumenta, iis etiam formidabiliora quæ sub sensum nostrum cadant? Sed quod tu vis minimè hinc efficitur, nempe sic nos doceri nullas causas naturales ab ipsis angelis ad exequenda Dei mandata adhiberi. RESP. VI. Quid quòd scriptura etiam nobis suppeditat pestis immissæ exempla, nulla facta angelorum mentione? Concedunt enim ii adversus quos disputo, pestem fuisse qua laboravit Ezechias: atqui per angelos percussus fuisse non dicitur. Minatur pestem sæpè Dominus peccatoribus per Moysen & alios Prophetas, neque dubium est



est, quin istæ comminationes minimè inanes fuerint: per angelos tamen sese illas semper missurum nusquam commemorat. Psaltes videtur aliquot Psalmis omnino innuere se fuisse peste correptum, quem tamè nunquam legimus inflicto ab ipsis angelis vulnere percussum. Omnia igitur ista, nisi penitus fallor, nihil prorsus ad tollendum contagiosum halitum, hujus morbi secundam causam, faciunt.

VI. ARG. Sed & illud quod subjiciunt, cujusmodi tandem ratione nititur? *Ajunt pestem providentia Dei singulari hominibus immitti.*

RESP. Et quid hîc dicunt quod non de quibusvis quæ in mundo eveniant statuendum sit? Nam, ut inquit ille, ne unus quidem passerulus sine Dei providentia in terram cadit, & pili nostri capitis omnes numerati sunt. quæ provi-

B                      dentia



dentia si ad singularia extenditur, certè sic est in ipso genere universalis, ut in singularibus quoque sit singularis.

VII. ARG. Ajunt postea, quotiescunque pestis in mundo grassatur, ab hac contagione excipi eos omnes quos in vita conservare Deus statuit, reliquis omnia loca esse contagiosa, et si longissimè absint ab iis qui peste laborant. Et addunt postea, Ad quid igitur contagium metuimus? an non stultum est metuere quod non est? RESP. I. Ego verò non video quomodo nō sint ista prorsus ἀσύντακτα. Quinam enim omnia loca fuerint cuiuspiam contagiosa, si contagium nullum est? nisi fortassis illud per concessionem dicunt. RESP. II. Sed ex providentiæ firmitate colligi certè nullo modo potest contagiosam pestem non esse. Itaque extra propositam quæstionē hoc argumentum



rum excurrit. RESP. III. Deinde an putabimus certiorē esse numerum moriturorum quoties pestē immittit Deus, quā quum alia tela jaculatur? quod si in providentiam Dei non peccant qui quæ nobis incomperta sunt, Dei, sicuti par est, arbitrio relinquentes, & *πρωφυλακτικῆς* & *θεραπευτικῆς* remediis physicis utuntur, cur non idem quoq; peste grassante faciemus? Sicut igitur aliquos ex peste non morituros Deus constituit ita etiam remedia præscripsit quibus quantum in se est, homines periculum pestis effugiant. Una est autem eadēmq; in omni morborum genere providentia Dei, qua quid futurū sit, immutabili decreto sancivit, quantumvis inter se morborum naturæ differant. Inter præcautiones verò physicas præcipuas adversus contagionem, secessio-

B 2

nem



nem tempestivam meritò cenſeri,  
contagionis ipſa viſ ratióque no-  
minis demonſtrat, quamvis neque  
omnes qui fugiunt ſerventur, ne-  
que qui permanent, intereant. De-  
creverat certè Dominus famē im-  
mittens Ægyptiis & illius oræ re-  
gionibus, quínam eſſent illa pe-  
nuriá morituri, nec propterea de-  
ſinit Iosephus Ægyptiis ſapientiſſi-  
mo conſilio providere: quod &  
ipſum fecerunt Eccleſiæ quum fa-  
mem ſub Imperatore Claudio fu-  
turam ex Agabo Propheta intelle-  
xiſſent. Noverat quoque Dominus  
quínam in illo cruentiſſimo bello  
Aſſyriaco ſub Ezechia eſſent in-  
terituri: & tamen ſeſe Ezechias  
ipſéque Eſaias urbis mœnibus tu-  
tantur. Quid plura? quum certò  
cognoviſſet Paulus neque ſe neque  
quenquam ex iis qui ſecum erant  
naufragio periturum, tamen pa-  
rantibus



rantibus nautis fugam è navi, Non potestis, inquit, salvi esse nisi isti manserint. Christus quoq; quamvis sciret horam suam non venisse, tamen non semel sese subduxit quum ad necem quæreretur.

VIII. ARG. Illud deniq; quod veluti certissimum assumunt, *pugnare videlicet contingentiam cum firmo & constanti Dei decreto*, etsi non magnopere ad rem pertinet, tamen ecquis illis concesserit? Contingentes causas vocamus quæ in utramvis partem suapte natura evenire possunt. Eas si quis tollat ex rerum natura, haud scio an ullum habiturus sit satis recti judicii hominem ipsi assentientem. Dei voluntas, inquiunt ex Augustino, est rerum necessitas. RESP. Concedo, quod ad exitum & effecta ipsa causarum attinet. Sed, ut rectissime idem inquit, non consequitur,

B 3

ut



ut quamvis omnia quæ Deus futura decrevit, necessariò futura sint, tamen ex necessariis causis eveniant, sicut Stoici falsò concludebant, idque certis ac prorsus evidentibus exemplis probari potest. Quid enim? an non Christum credimus verè humanis ossibus præditum fuisse? ergo quæ quovis tempore frangi sua natura possent. Atqui frangi tamen re ipsa non potuerunt, quum aliter à Deo decretum esset. Contingenter igitur, quod ad ipsam eorum naturam attinet, fracta non sunt, quum fragilia tamen essent, & necessariò tamen ex Dei decreto infracta permanserunt. Rursum, Christum ab ipso tempore quo carnem nostram assumpsit, mortali corpore præditum fuisse, omnes Christiani confitentur. Potuit igitur suapte natura ab Herode cum aliis puerulis occidi:  
at ex



at ex Dei decreto nō potuit. Quòd igitur tum occisus non est, contingenter accidit si naturā ipsius corporis spectes, quum aliter accidere potuerit: at ex Dei decreto non magis occidi potuit quàm Dei voluntas immutari. Idem quum ad crucem raperetur, ea certè valetudine fuit ut tunc illi necesse non esset mori. Contingenter igitur, si in causa mortis naturalis consistas, mortuus est, & tamen necessario, si ad Patris ordinationem invariabilem conscendas, quoniam venerat hora ejus: & simul voluntariè, quoniam animam suam posuit pro nobis. Usque adeò neque contingencia neque voluntas certissimo divino decreto repugnat.

IX. ARG. Superest argumentum ab ipsa experientia sumptum, quod quum validissimum in speciem videatur, nullius tamen est



ad tollendam contagionem momenti. Si pestis, inquiunt, à naturalibus causis vel ex certa quapiam constellatione vel aëre corrupto oriatur, certè omnes illi corripentur qui sub ista constellatione essent positi, vel aërem illum haurirent, quod falsum esse deprehenditur. R E S P. Atqui consequutionis istius falsitatem ratio ipsa coarguit. Quis enim est usq; adeò imperitus qui nesciat unam eandemque causam ne similiter quidem nedum pariter semper agere, immò secundum objectorum patientium varietatem effecta variari? Sol profectò lutum indurat, ceram liquefacit. Unus & idem Boreas non pariter singulos frigoribus infestat. Nemo igitur non videt quàm infirma sit illa argumentatio. Sed demus, pariter esse aliqui singulos ad excipiendū corruptum



ruptum aërem per se dispositos.  
 multa tamen possunt incidere.  
 quamobrem idem effectum non  
 consequatur: puta, exempli gratia,  
 quia medicamentum *πρωφουλακτι-*  
*κον* unus præsumpserit, alius non  
 item: unus statim remedio com-  
 modo sit usus, alius vel tardè vel  
 nunquam. Postremò illud quoque  
 observandū, quod præcipuum est,  
 Deum Opt. Max. naturales causas  
 & earum effecta, prout ipsi libet,  
 regere ac moderari, atque hinc e-  
 venire ut contagio neque singulos  
 attingat ipsi expositos, ut scribitur  
 Psalmo 91.6. neque sit iis omnibus  
 quos corripuit, lethalis, ut nec epo-  
 ta venena, sicut scribitur Marc. 16.  
 18. Itaque nihilo validius est argu-  
 mentum nullā esse contagionem,  
 quoniam & ægrotis assidētes mul-  
 ti peste non tanguntur, & absentes  
 cōtrā eo malo corripiantur. Quasi

B 5                      verò



verò non sit lethale viperæ virus, quoniam ab ea morsus Paulus ne malum quidem ullum sensit, Act. 28.5. Et de contagione quidem hætenus.

*An & quatenus liceat in peste secedere.*

**N**unc de secessione nobis dicendum est. Sic enim malo quam fugam appellare, quamvis periculum etiam fugere cum ratione sapientis hominis esse arbitremur. Sunt igitur qui secessionem pestis causa factam usque adeò sine exceptione reprehendant, ut etiam nefarium scelus esse opinentur, quamvis permanētibus temeritate non utendum esse cēseant. Sunt contrà qui nulla, vel certè levissima hujus societatis & officiorum quæ Christiana charitas jubet habita ratione, simulatque pestis ingruit, quasi signo fugę dato, quemque



que sibi consulere oportere censeant. Ego cur ab utrisque ac in primis ab istis dissentiam, justissimas habere me causas arbitror. Sed antequam planè dicam quid hac de re mihi videatur, peto ut primùm unos adversus alteros audiamus disceptantes. Sic igitur illi adversus istos philosophicè primùm disputant. Ajunt stultitiam esse mortem timere, ex Platonis Gorgia: nec temperantem videre posse qui mortem fugiat, quoniam id à nimia vitæ delectatione oriatur: neq; justum, quòd qui pestis tempore fuga sibi consulit, neque Deo neque hominibus suum tribuat. Istis argumentis alia subjiciunt ex Sacris literis petita: quòd videlicet de providentia Dei non rectè sentiant, cujus immutabili decreto vitæ præcipuè humanæ cursus sit definitus: quòd Deo diffidant, ac præser-



præsertim huic promissioni fidem non habeant, Ero Deus tuus & seminis tui : quòd omni charitate, imò etiam *σεργῇ φουρικῇ* sint destituti: quòd Deum tentent Israëlitarum exemplo, Exod. 17. 3. & Psal. 78. 18. præscribentes Deo quo modo, loco, tēpore & quibus mediis ipsos servare possit: quòd Deum ex animo non diligant: quòd terrestrium bonorum amantes, cœlestia negligant: quòd mortem nimium metuant: quòd Dei voluntati quæ semper bona est, sese opponant: quòd existiment se Deo fortiores esse, & ejus manum posse effugere: quòd Christi & naturæ legē qua jubemur aliis facere quod nobis factum vellemus, apertè violent: quòd id faciant & doceant, quod Christianus nullus fecit, est autem ab Ethnicis factitatum. Et hæc quidem illi, quibus isti sanè nihil



nihil habent quod respondeant,  
qui sine exceptione fugam suadent  
tuendæ vitæ prætextu. Itaque si hæc  
adversus eos dicantur qui pestem  
sic fugiunt ut à pietatis & charita-  
ris legibus vel tātillum deflectant,  
assentior eorum adversariis, &  
nulla non reprehensione dignos  
esse statuo qui inde fugiunt, quò  
potiùs illos accurrere decebat, si  
vel humanitatis micam haberent.  
Sin verò adversus eos torqueantur  
qui justis causis impulsæ secedunt,  
& eum modum tenent quo neque  
adversus Deum neq; adversus pro-  
ximum ullas officii sui partes omit-  
tant (quod fieri sæpissimè posse  
dicimus) argumenta hæc omnia  
quātumvis in speciem gravissima,  
nullius tamen esse momenti affir-  
mamus, si res ipsa diligenter ex-  
pendatur. Erenim, ut ad primum  
argumentum respondeamus, ut sit  
immu-



immutabile Dei decretum, & æterna ipsius providentia vitæ nostrę terminos immotos fixerit, causas tamen tuendæ vitæ ordinarias & legitimas istud minimè tollit, ne si prorogandæ quidem vitæ oraculum quispiam accipiat, sicut ex manifesto Pauli exemplo paulò antè demonstravimus, Act. 27. 14. & 31. nedum ut illis uti non liceat, quum occultum adhuc nobis est quid de vita nostra vel producenda vel finienda Deus ab æterno decreverit. Deinde cur Dei promissionibus dicatur diffidere qui vitandorum malorum rationes à Deo præscriptas ita sequitur, ut à Deo tamē totus pendeat? nisi fortè quispiam hoc dogma in sacris literis disertè scriptum invenerimus; Pestē grassante nemo fugito. Inter illas autem rationes *προφυλακτικὰ* quoque remedia censerī, & inter  
 ista



ista quoque secessionem quoque  
tempestivam esse numerandam,  
vel ipsa contagionis appellatio de-  
monstrat. Sed & illud constat, non  
modò in charitatem Christianam  
non peccare, neque Deum tentare  
qui pestem sic secessione devitat,  
ut interea nec pietatis in Deum,  
nec charitatis in proximum ullum  
officium prætermittat, ut contrà,  
nisi interdù id faciat, meritò Deum  
in se provocare, & infideli deterior  
censeri possit, ut qui sese temerè  
lethali contagioni exponens, neq;  
sui, neq; suorum rationem habuif-  
se videatur.

Nihilo verior est quinta & sexta  
accusatio. *Deum, inquit, non di-  
ligunt, & terrenis inhiantes, cœlestia ne-  
gligunt.* Cedò quamobrè? quoniam  
qui Deum diligunt, nihil magis cu-  
piunt quàm cum ipso esse, quod  
nobis per mortem contingit: con-  
trà



trà autem nihil magis metuunt. Imò verò qui in amando hunc unum sibi ultimum finem propositum habuerit, ut re amata quoquo modo, sui commodi causa, potiat, sese potiùs quàm amicos diligere meritò credetur. Itaque idem ille qui dissolvi cupit & esse cum Christo, optat etiam fratrum causa à Christo tanquam anathema separari, Act. 9.3. nec vitam suam insidiantibus inimicis prodit, ad Cæsarem provocans, Act. 25.11. & de restituta sibi valetudine gratias agit, 2 Corinth 1.11. Quid quòd & David non tam Saulem & Absalomem, quàm mortem fugit, Dei nihilominus cultor? Quid quòd idē ille & Ezechias disertè mortem deprecantur? Itaque quisquis mortem fugit, statim existimandus non est Deum non diligere, sicut è contrario non quisquis mortem appetit,



tit, Deum diligere censendus est: sed is demum qui cum recta ratione & conscientia bona voluntati Dei obsequens, ad mortem sive oppetendam sive devitandam sese comparat. De metu mortis idem quoque statuendum est, illum videlicet si iusta ratione nitatur & sit moderatus, non modò damnandum non esse, verùm etiam ut à Deo vitę custodem insitum approbandum. Damnatur ergo is demum mali metus ex Philosophorum scriptis qui fortitudini adversatur, & ab eo quod præstare alii aliis debemus, nos avocat: ex sacris autem literis ille qui fidei & charitati repugnat. Aliud enim est affectus naturales tollere, (quod nemo ne si velit quidem, possit) quàm eos moderari: quod faciendum esse Philosophi quidē rectè docent; quomodo verò fieri possit, unicum  
Dei



Dei verbum per Spiritum sanctum demonstrat. Quæ verò ex Tertuliano citantur, partim extra ipsius scopum evagantur, quum is de sola persecutionis fuga differat, partim verò summo Ecclesiæ consensu inter illius nævos recensentur, ut qui extra metam in hoc argumento sit abreptus. Nemo certè pius & satis intelligens, Iacobi secessionē, nemo Davidem Saulis furorem, & Absalomi damnationem, nec Heliam Jezabelis rabiem fuga deviantem, nemo Athanasii nō unam subductionem unquam damnavit. Neque hīc nobis vel ad Christi agonem refugiendum est, vel ad illud Matth. 10. 23. Si persecuti vos fuerint in una civitate, fugite in aliam, quos locos fateor à nonnullis non satis appositè proferri. Nam quod ad Christi pavores attinet, peculiari ratione nituntur, neque trahi



trahi in exemplum debent: quum  
ibi agatur de salutis nostræ myste-  
rio, cujus partes solus obiit & obi-  
re potuit Christus, in quo videli-  
cet iram illam Patris terribilē cer-  
nebat & reipsa sentiebat, pœnas  
ferēs peccatis nostris debitas. Nos  
autem contrā pavoribus illis non  
exanimamur morientes, quòd pla-  
catum Patrem habeamus, & vitam  
in ipsa morte per fidem contem-  
plemur. Illud verò Christi dictum  
minimè profectò est præceptum  
de fuga, sed contrā monet fideles  
pastores ut nullis minis territi si ex  
uno loco depellātur, ad alium pro-  
perent; quod ab Apostolis sedulò  
postea factitatum fuisse legimus.

Sed audiamus aliud aliquid for-  
tasse gravius. *Nihil non bonum immit-  
ti potest à Deo* (inquiunt) *imò nihil  
bonum nisi quod à Deo: immittitur au-  
tem pestis à Deo: ergo bona est, si non  
suapte*



suapte natura, at certè optimo fine, nempe ut peccata nostra puniantur, ut fides nostra probetur, ut pœnitentiam agamus, ut hypocritæ in lucem protrahantur. Quis igitur negare potest (ajunt) quin bonũ fugiant qui pestem per quam Deus hæc omnia efficit, fugiunt? Item, Quod Deus omnibus, id est, alicui Ecclesie aut Reipublicæ immittit, veluti, verbi gratia, pestem, vult ab omnibus ferri. Quod si ferenda pestis, quomodo fugienda? Itaque Dei voluntati sese opponunt qui pestem fugiunt: imò etiam frustra fugiunt, quoniam voluntati Dei frustra resistitur. Verùm quid istis potuit dici absurdius? Nam, ut paralogismum in voce Boni & Mali prætermittam, quorsum, quæso, in hanc disputationem de natura rerum ingredi oportuit? Non est malum (id est, calamitas ulla) in civitate quod Deus non fecerit, inquit propheta. Curnam igitur famem,



mem, pestem, bellum & cætera ejusmodi, bona appellabimus? At enim (inquiunt) cedunt piorum bono. Concedo, quoniam lucem Dominus eruit ex tenebris. Sed & peccatis ipsis erudiuntur pii. Num igitur peccata quoque bona sunt, & qui iis resistit, Deo resistit? Deniq; quis non videt, res nobis suapte natura noxias à Deo deprecari, simulque justis & legitimis ad illas, si fieri possit, devitandas remediis sic uti, ut exitum Deo commendes, longè aliud esse, quàm sit insanire, ut vel Deo te obsistere, vel ejus judicium effugere te ulla alia ratione posse confidas? Abraham ipse & Isaac & Jacob famem fugerunt, quæ & ipsa à Deo immissa fuerat, qui tamen bonum fugisse aut peccasse dici non possunt. Illud autem quod etiam magnopere exaggerant, nempe *violari ab iis*



iis qui pestem fugiunt præceptum illud  
 immotum quod ipsa humanitas dicat,  
*Quæcunque volueritis, ut faciant vobis  
 homines, eadem vos facite illis*: sicuti  
 adversus eos meritò torquetur qui  
 contagionem aut aliud ullum pe-  
 riculū sic vitant ut hominis Chri-  
 stiani officium negligant, ita nullo  
 modo cōtra illos facit, qui nisi pe-  
 stem secessione vitarent, id ipsum  
 quod & patriæ & proximo debent  
 neglexisse meritò videantur. Et sa-  
 nè miror eos qui sine exceptione  
 secessionem ut charitati per se re-  
 pugnantem damnant, non consi-  
 derare, charitatem non minùs po-  
 stulare ut sanis consulamus, quàm  
 ut eo malo correptos juvemus.

Ajunt deniq: quotquot pestem  
 fugiunt, ea facere quæ Christianus  
 nullus fecit, quum ejus rei nullum  
 extet in sacris historiis exemplum.

Respondeo fallax nimium esse  
 istud



istud argumenti genus, quum satis cōstet, in sacris libris quicquid singuli fecerint minimè recenseri: & sufficere in plerisque generales doctrinæ regulas ad ea constituenda quorū præceptum aut exemplum aliquod particulare non habemus: neque ambigi posse quin quoties peste afflictus fuerit populus, neq; quomodo sese quisq; in peste gesserit, perscriptum non extet. Sed ajunt sese habere contraria prorsus ex Scripturis s. monita: Davidem enim Psal. 91. revocare nos ad tabernaculum altissimi. Quasi verò ad Deum nō confugiat, qui secessione legitimè utitur. At enim, inquiunt, David non fugit illam longè vehementissimam pestem, cujus fit mentio 2 Sam. 24. nec familiam suam aliò transtulit. Concedo. Sed quàm multa peculiaria prohibent generalem inde cōclusio-



sionemnectere? Erat enim ipse hujus pestis causa, & meritò anxius usque adeò, ut etiam sui ipsius exitio testetur sese paratū esse publicam redimere calamitatē. Deinde quam triduana tantū hæc pestis ad summum fuerit, quis illi locus ad deliberandum relinquebatur? Præterea quò tandem fugisset, quum in tota ditione pestis grassaretur, metropolim autem ipsam aut nullo modo aut parcè admodum attigisse pestis dicatur? Esaias etiam, inquiunt, non fugit Ezechiam peste laborātem. Quasi verò deserui ultrò bona conscientia posse oves à pastoribus dicamus. Quid si etiam excipiam non accessisse Esaiam ad Ezechiam nisi cum peculiari Dei mandato? sic enim testatur historia. Sed Jeremias etiam, ajunt, & Baruch & alii pii viri ex urbe à Chaldæis obsessā  
non



non profugerunt, quamvis magna  
populi pars non minùs peste quàm  
fame interiret. Neque nos verò  
posse pestem secessione meritò vi-  
tare dicimus, si ab eo discedatur  
quod Deo, patriæ, & proximo cui-  
que debemus. Sed eos miror qui  
Jeremiæ hoc exemplū proferunt,  
oblitos esse, illum quum ex urbe e-  
gredi tentaret, fuisse apud urbis  
portam deprehensum. Hier. 37. 12.  
Proferunt postremò Alexandri-  
næ Ecclesiæ pulcherrimum exem-  
plum ex Eusebii lib. 7. c. 20. Quasi  
verò nos vel quorumvis, vel quo-  
vis loco & tempore secessionem  
probemus, vel cōstantiam & cha-  
ritatem istiusmodi laudandam &  
imitandam esse non doceamus,  
modò universalis inde regula non  
statuatur. Nec enim Eusebius ipse  
singulos sed plurimos tantum ex  
Christianis id factitasse scribit.

C

Itaque



Itaque ut tandem hæc conclu-  
dam, nihildum allatum est quo vel  
contagio tollatur, vel secessio sine  
exceptione damnetur. Etenim se-  
cessionem inter naturales præcau-  
tiones in morbis contagiosis esse  
vel præcipuam, ratio & experien-  
tia ipsa docent. Nam illud certè  
clamat ipsum cōtagionis vocabu-  
lū, quæ propius absunt, magis esse  
illi obnoxia, & tempestivâ in loca  
salubriora demigratione quotidie  
liquet plurimos conservatos. quos  
si quis excipiat etiam si domi man-  
sissent, servandos fuisse, quoniam  
Deus ita decreverat: quid obsecro  
dicetur, quod cæteris quoque o-  
mnium periculorum præcautioni-  
bus & remediis non conveniat?  
Itaq; non tantū medicinam, ve-  
rum etiam prudentiam omnem &  
solertiam quæ vitandis periculis o-  
mnis generis adhibetur, ridere nos

ut



ut res supervacaneas oporteret,  
nec ullum esset inter temeritatem  
& consilium, inter fortitudinem  
& audaciam discrimen. Sed longè  
aliter sese res habet, quoniam ut  
vitæ nostræ cursum Deus æterno  
& immutabili decreto præfinit,  
ita causas medias quibus ad vitæ  
conservationem uteremur ordi-  
navit.

Superest ut quando sit secessio-  
ni locus exponamus. Nam ut cæ-  
teris rebus mediis, sic etiam seces-  
sione tum rectè tum perperam uti  
quispiam potest: & tantum abest  
ut eam cuiquam sine exceptione  
suadere velim, ut contrà ab iis, qui  
etiam quum subducere alioqui se-  
se bona conscientia licet, tamen  
permanere malunt ac etiam vitæ  
discrimen subire potius quàm pro-  
ximum deseruisse videri possunt,  
multò minùs peccari fatear quàm  
C. 2 ab iis



ab iis qui nimia diffidentia vel im-  
moderato mortis pavore abrepti;  
illud unum neglectis omnibus hu-  
manitatis officiis ob oculos habēt,  
CITO, LONGE, TARDE: dignissi-  
mis hominibus profectò qui extra  
omnem hominum cœtum extru-  
dantur, cuius vincula penitus dis-  
solvunt. Quid sit autem ea in re  
servandum, ego quidem arbitror  
sic constitui posse.

In primis, illud providendum  
arbitror, ut ad pestem tanquam i-  
rati numinis nuntii adventum u-  
nusquisque sese apud Dei tribunal  
sistat, semetipsum damnans ut ab  
illo absolvatur: semel denique sta-  
ruat sese ad dicendam causam evo-  
cari, neque locorum sed morum  
mutatione hanc virgam posse vi-  
tari: quòd si etiam moriendum sibi  
sit, decretum hoc esse morientium  
bono, quò beati sint, qui in Domi-  
no moriuntur.

Alte-



Alterum est ut hæsitante conscientia nemo neq; secedat neque permaneat, sed ubi ex Dei verbo, quid sui sit officii didicerit, cōstanter in eo, sese Deo commendans, perseveret.

Etsi verò in tanta circumstantiarum varietate non possunt singulares regulæ cōstitui, difficile tamē non est generalia quædā verbo Dei cōsentanea ponere, ad quæ veluti normā quandā postea singulares (ut loquuntur) casus exigantur. Noverint ergo qui de permanēdo cogitant, Dei præceptum esse, Ne occidas, ac proinde neq; suam neq; suorum vitam esse temere lethalis cōtagionis periculo exponendam. Noverint contrà qui de secessione cogitant, neq; sui ipsorum, neque suarum familiarum tantam habendam esse cuiquam rationem, ut quid patriæ & concivibus, alii denique



nique aliis, five sint communi humanæ societatis vinculo obstricti five alia necessitudinis specie devincti, debeant, obliviscantur. Nec enim charitas quærit quæ sua sunt. Itaque videre me non posse profiteor (quod cum nulla cujusquam tamen reprehensione dictum sit) qua tandem ratione secedere prohibeantur qui vel per ætatem, vel per deploratam valetudinem alios juvare non possint: & si permanserint, ideò tantùm retenti videri possint, ut magna cum reipub. jactura moriantur. Nam ut eorum crudelitas non potest satis culpari, qui illos, præferrim si tenuioris fortis fuerint, è civitatibus extrudunt, ita magnopere mihi videtur probanda tū parentum pietas, suorum vitæ tempestivè citra cujuspiam damnum consulentium, tum etiam magistratuum providentia maximè



maximè laudanda, qui citra Reipub. detrimentum, curant ut imbecillibus illis, tanquam civium seminario, cōmodè prospiciatur.

Hic autem occurrit in primis illa universalis obligatio qua homo homini adstringitur, & quæ dissolvi nisi humanitate ipsa sublata non potest. Est & aliud vinculum singulos cives suæ patriæ ac civitati obstringens. Sed utranque hanc obligationem hactenus naturalem & universalem esse dico ut suæ cuique conditionis ac vocationis habenda sit ratio. Nam alii publicis muneribus vel civilibus vel sacris funguntur, alii verò privati sunt. Privatorum autem inter se multiplices sunt connexiones, quas natura quidem ipsa devincit, Christiana verò pietas adstringit: quæ nisi discernantur, ut quisque quid sui sit muneris in rebus omnibus



56 QVÆSTIONES  
intelligat, ordinis specie confusio-  
nem omnem grassari fuerit in re-  
bus omnibus necesse. Homo igitur  
hominem (ut in proposito nobis  
argumento permaneamus) ci-  
vis civem, auxilio quocunque suo  
indigentem, pro viribus juvet, ne-  
que de secessione cogitet, qua sit  
ipsi meritò probabile, fore, ut ita  
cuipiam malè consulatur, nedum  
ut alicujus contemptu, vel præpo-  
stero mortis metu ab humanitatis  
officio vel tantillum deflectat. Ubi  
verò citra officii neglectiōem, &  
publicum offendiculum sibi & suis  
cavere secessione potest, causam  
nullā video cur id facere non mo-  
dò non possit; sed etiam non te-  
neatur. Verùm nequis hîc sibi adu-  
lans in proximum peccet, officium  
Christiani magistratus fuerit cura-  
re, ut quæ contagionem efficiunt  
aut fovēt, quoad ejus fieri potest,  
tollan-



tollantur, & hoc malo correptorum habeatur tanta ratio, ut quivis de quovis sollicitus esse non cogatur. Publico verò munere civili fungentes quānam sua munia, grassante peste, deserere possint non video: fidos autem pastores de vel unica ovicula per secessionem deferenda, quo tempore præcipue cœlesti consolatione indiget, nimium turpe imò etiam nefarium fuerit. Privatorum autem varias & multiplices sunt necessitudines. Inter illas præcipua est ea cui naturalem quoque sanguinis commixtionem cedere oportere Deus testatur, conjugii videlicet vinculum, ut, meo quidem iudicio, conjux à conjugē, præsertim si pestis alterum invaserit, vix ac ne vix quidem, bona conscientia secedere possit. Quantum autem parentes liberis, liberi parentibus, cognati cognatis



58 QVÆSTIONES  
tis debeant, vel ipsa naturę jura de-  
monstrant, quę tantum abest ut  
Christiana doctrina laxet, ut ea  
contrà magis ac magis adstringat.  
Imò deferri à servis dominum, aut  
servos ægrotantes (quod nimium  
sæpe fit) à dominis negligenter ha-  
beri, qui tamen ipsorū valentium  
opera sint usi, crudelitas est. Non  
est tamen æqualis istorum necessi-  
tudinis obligatio, & potiori cede-  
re minùs arctam oportet, siquidem  
pluribus simul satisfieri nō potest.  
Deinde sicut aliquis est inter præ-  
sentes etiam desertioni locus, nisi  
qui permanent officium faciant :  
ita cavendum est tum ipsis ægrotis  
ut necessariorum & amicorū cha-  
ritate non abutantur, dum sibi  
consultum volunt: tum ipsis quo-  
que in officio perstantibus, ne te-  
mere sese periculo cōtagionis ob-  
jiciant, quod factitari potiùs au-  
dacia



dacia quàm recto Christianoq; iudicio à nōnullis consuevit, qui reliquis morbis laborantes aspernari consueti, peste correptos invisunt, ut mortem cōtemnere videantur. Hunc ego verò iudiciorum Dei cōtemptum minùs quàm nimiam meticulo forum imbecillitatē tolerarim. Cæterùm quomodo sint alii, in postulanda suorum præsentia affecti, nescio. Ego Lausannæ quum peste laborarem ante ann. xxviii, & ad me tum alii mei collegæ ac inter cæteros eximius ille vir Pet. Viretus, b. m. accedere paratus esset: ipse quoq; Io. Calvinus misso cum literis nuntio omne humanitatis genus mihi deferret: neminem illorum ad me accedere sustinui, ne ex Reip. Christianæ incommodis, quanta accepturam illam ex tantorum virorū interitu constabat, mihi consuluisse existimarer: neq; id me fecisse.



60 QVÆS. DE PESTE.  
fecisse pœnitet, quamvis à me for-  
tassis idē in simili ipforū casu non  
obtinuissent. Quòd si in istiusmodi  
calamitate Magistratus tempestivè  
provideat quantum licet, tum qui-  
bus legitimis neq; Christianæ cha-  
ritati repugnantibus modis conta-  
gio impediri possit, tum ne quid  
peste correptis desit: utrisq; profe-  
ctò, tum sanis tum ægrotis optimè  
consuluerit, & multis in hoc argu-  
mento quæstionibus fieri solitis  
occurrerit. Sed illud in primis sta-  
tuendum est, sicut peccata nostra  
sunt præcipua ac vera pestis causa,  
ita unicum illud esse proprium ad-  
versus pestem antidotū, si pastores  
non de contagione disputēt (quod  
medicis convenit) sed ad seriam re-  
sipiscenciam mutuamque charita-  
tem verbis ac vitæ exemplo suos  
greges excitent, pastorum autem  
vocem oves ipsæ exaudiant.

*Th. Beza Quæst. de Peste Finis.*





ANDREÆ RIVETI  
EPISTOLA  
AD AMICVM.

*Vir Clarissime,*

**P**ostquam à nobis abiisses,  
diu multumque apud me  
cogitavi super illa quæstio-  
ne, quæ hoc calamitosissimo tem-  
pore movetur & agitur, circa fla-  
gellū illud, quod omnes à Deo im-  
mitti fatentur, sive immediatè, sive  
per causas secūdas aërem inficien-  
tes, & pestilens illud virus effundē-  
tes, quod tot homines variis in lo-  
cis letho dedit, & ubique grassatur  
per hasce provincias. Dubitāt non  
pauci pii certè & Deum timentes,  
an præcavendum sit illud malum,  
sive secedendo, sive abstinendo ab  
eorum



## 62 A. RIVETI EPIST.

eorum frequentatione qui vel infecti sunt, vel infecta loca frequentant. Afferunt alii, itidem pii & prudentes, id fieri posse, etiam debere, positis tamen nonnullis requisitis, & distinctionibus commodis adhibitis. Ego non is sum qui existimem me hanc sive litem, sive dissensum componere posse, ita ut omnes in unam sententiam adducam. Apud te tamen, dicam quod sentio, & post alios afferam quod mihi videtur justum & equum, & in quo hactenus animus meus conquievit. Sed id primum, tecum & cum bonis omnibus requiram, ut omnes in eo conveniamus, Epidemicos hosce morbos, luemque illam pestiferam, quæ stragem tantam fecit & in dies facit, florentissimasque aliquot civitates miserè depopulata est, à Deo peccatis nostris infenso, fuisse immissam; nullumque



lumque præstantius & promptius  
remedium esse, seriâ & sincerâ pœ-  
nitentiâ, in omnibus Reip. mem-  
bris, publicis & privatis; quâ non  
verbis solùm & gestu aliquo teste-  
mur nobis displicere pristinam vi-  
tæ & morum corruptelam, sed e-  
mendatione vera, moribus ad Dei  
nutum & verbum compositis, ean-  
dem obsignemus, & Deo in pri-  
mis, deinde hominibus sub Deo,  
probatam demus; Magistratu in  
utriusq; tabulæ violatores animad-  
vertente, impietatem grassantem  
cohibente, injustitiam omnem &  
intemperantiam legum & pœna-  
rum repagulis coërcente: subjectis  
populis in officio se continenti-  
bus, & sub Dei manu se humilian-  
tibus; boniq; consulentibus, quas  
Deus vel immittit, vel immissurus  
est castigationes & probationes,  
quarum usus & fructus ex verbo  
Dei



## 64 A. RIVETI EPIST.

Dei & propriâ experienciâ colligimus, etiam in his *mortalitatis* & *pestilentia* tēporibus, quales sunt qui elegantissimo scripto, DE MORTALITATE, à Cypriano Martyre in simili occasione in Ecclesiæ veteris usum fuerunt decerpti, & ob oculos positi; quem libellum vellem sæpè, & nocturna ac diurna manu versare eos, qui in hoc rerum statu nimis solliciti sunt & anxii. Pios etiam & fideles Dei servos in hoc maximè incumbere, ut jacentem pietatem hac occasione erigant, & velut igne afflictionis illius accensam, flatu hortationum suarum magis ac magis inflāment, quæ ad cælum usque pertingat, & infecti aëris corruptionem dissipet. In quo voto non dubito, quin bonos omnes mecum habiturus sim consentientes, & cōspirantes.

Hoc autem primo & primario  
remedio



remedio præsupposito, an alia sint  
 adhibenda, quibus vel malum præ-  
 cavere, vel etiam abigere aut im-  
 minuere, sive publicè sive priva-  
 tim laboremus, ambigitur. Id quod  
 in omnibus penè aliis periculis &  
 morbis, ferè extra controversiam  
 ponitur, atq; usu & experientia cō-  
 modum & aliquo modo necessa-  
 rium censetur, videtur in hoc casu  
 à nonnullis in dubium verti, à qui-  
 busdam etiam apertè culpari, qui  
 non censent, licere Christianis &  
 fidelibus viris, infesta loca vitare, à  
 conversatione eorum qui infecti  
 sunt peste abstinere, & secessione  
 aliqua & fuga, mutato aëre, sibi &  
 suis consulere.

Non imus inficias non quibus-  
 vis, non omni tempore, id liberum  
 esse, & tales esse locorum & per-  
 sonarum circumstantias, quibus  
 fuga & secessio esset non solum in-  
 tempe-



tempeſtiva, ſed deſertæ ſtationis  
crimen, apud Deum & homines.  
Sed ex adverſo conabimur oſten-  
dere, mutatis circumſtantiis, &  
omnibus ritè expēſis, poſſe etiam,  
tentationis Dei & temeritatis cen-  
ſuram incurrere, qui ſibi non ca-  
verent præcautionibus neceſſariis,  
etiam locorum & aëris mutatio-  
ne. Peſtem contagioſam eſſe, &  
ſeſe communicare, tanquam vene-  
num aliquod, aërem quem respira-  
mus inficiens, docent omnes me-  
dicorum filii, nullo, quod ſciam,  
excepto; qui, præter rationes quas  
adhibent nō paucas nec invalidas,  
experientiam habent ſuffragantē,  
quæ quantumvis in nonnullis fal-  
lat, quorum complexio ad ſuſci-  
piendum illud venenum minus eſt  
idonea, in plerisque tamen docet  
eos qui temerè ſe periculo obji-  
ciunt, in illud incidere, & temeri-  
tatis



ratis suæ pœnas luere. Si à principio, omni animalium generi est à natura tributum ut se, corpus, vitamque tueantur, non existimandum minus à Deo esse hominibus concessum, quum præsentiant quæ sibi sunt nocitura, ut ea præcauant legitimis modis. Legitimos autem non censemus, si quis in vocatione publica, vel in Republica vel in Ecclesia, constitutus, curam omnem abjiciat laborantium; eosque in corporis & animæ periculo versantes, destituat necessario omni auxilio. Id enim semper est præponendum; Cavendum esse autoritate publica, ne qui sub manu Dei ingemiscunt, quantumvis infecti, necessariis careant subsidiis. Id tantum dicimus, omnium hanc curam esse debere, maximè qui præsumt; non omnium esse illud exequi. Imò, Magistratus & Pasto-



68 A. RIVETI EPIST.

Pastorum, pro cuiusque munere, esse, ut curent, ne se talibus immisceant, qui ad id non sunt constituti nec necessarii; & ea ratione ægris subveniendum, quæ sanis non sit fraudi, cum utrisque sit consulendum.

Doctissimi sanè inter nos Theologi de ea re cōsulti in eam sententiam plerique convenerunt: inter quos Calvinus, Epistola 362. breviter se expedit, sed, ut solet, nervosè. Inter plures quæstiones ei propositas fuit hæc tertia, *an fas esset pestis fugiendæ causa locum mutare?* Respondet quæstionem hanc *videri ex stupiditate eorum nasci, qui nunquam aliquo humanitatis gustu fuerunt præditi. Ergo, inquit, non licebit eligere salubrem aërem? Ergo in ædibus non licebit prospectum quoque salubrem præferre? Ergo cavere à noxio fœtore non licebit? Ergo nulla contagio erit timenda?*



da? Faceſſant igitur Paradoxa, quorum  
finis eſt exuere nos omni ſenſu. Interea  
noſtri conſilii non eſt, eorum indulgere  
timiditati, qui objecto periculi colore à  
vocatione ſua diſcedunt: quemadmodum  
ſi vir uxorem, ſi maritum uxor, ſi liberi  
parentes, aut viciffim parentes liberos  
ſuos deſerant: ſi Paſtor Eccleſia relictà ſi-  
bi conſulat, ſi Magiſtratus officio deſit.  
Denique, modo ne officium negligatur,  
non minus peſtis contagio, quam gla-  
dius aut ignis vitari poteſt.

Significasti mihi de eodem ar-  
gumento tractatum à Venerabili  
Beza fuiſſe olim editum, quem  
mihi videre non contigit, à qui-  
buſdam tamen citatum lego; no-  
minatim à Paulo Tarnovio, in l. 3.  
de Sacro Miniſterio. Et in Epito-  
me Bibliothecæ Geſneri reliquis  
ejuſi operibus annumeratur. Sed  
quia ſpem facis novæ editionis,  
non dubito quin omnibus inno-  
teſcat,



70 A. RIVETI EPIST.  
tescat, quæ fuerit de eo commu-  
nis & perpetua sententia Gene-  
vensis Ecclesiæ; quæ quantumvis,  
in asserenda Dei providentia &  
circa hominum fines dispositione,  
semper apud omnes, extra omnem  
vel levissimæ suspicionis notâ fue-  
rit; apud nonnullos etiam excede-  
re visa sit; sic tamen circa fines sem-  
per versata fuit, ut media nulla cõ-  
temnenda judicaverit, quibus vel  
mala præcaveri possent, vel bona  
procurari. Scio ibidem, grassante  
Peste, aperiri Nosocomium ad id  
institutum, eligi non solum medi-  
cos & chirurgos qui ægris adsint  
tam in publico illo loco, quàm in  
privatis ædibus; iis etiam domici-  
lium seorsim ab aliis parari; Inter  
Pastores sorte deligi, post invoca-  
tionem nominis Dei, eos qui infe-  
ctis ea labe adesse debeant, reliquis  
exemptis, qui sanis administrent  
verbum



verbum Dei & sacramenta, aliis-  
que morbis non contagiosis labo-  
rantes invisant, ut ita utrisque con-  
sultatur, neque dum unis succurri-  
tur, periclitentur alii, & malum  
magis ac magis ingravescat, ita  
etiam requirente hominum socie-  
tate, ut omnia ordine & conve-  
nienter fiant. Quod privatos spe-  
ctat, alia ratio est, dummodo enim  
suis domesticis non desint, possunt  
illi secedere aliò, & sibi consulere,  
ab omni non solum infectorum  
peste consortio abstinendo, sed  
etiam loca in quibus ea sævit, evi-  
tando.

Hæc fuit sententia doctissimi vi-  
ri Hieronymi Zanchii, quam plu-  
ribus exponit in Comment. ad  
cap. 2. Epistolæ ad Philip. ad v. 30.  
ubi agitur de Epaphrodito eorum  
Ministro, qui propter opus Christi ad  
mortem usque accessit, non habita ra-  
tione



*tione vitæ suæ.* Ad quæ verba, postquam ostendit nunquam deserendum esse opus illud ad quod quisque faciendum singulariter vocatus est à Christo; rectè infert, ne propter pestilentiam quidem opus Christi deserendum esse, & fuga sibi consulendum. Sed hæc in genere dicta quantumvis vera sint, & simpliciter accepta, judicat tamen secundum circumstantias aliter atque aliter esse accipienda. Et quoniam ille fusiùs agit oblata occasione narrandi quid de eo inter se & pastorem quendam Curientem olim disputatum fuerat, ejus de ea re disputationem ita contraham, ut nihil omittam eorum quæ in utramque partem agitata, pondus rei afferunt. Contendebat ille pastor, quod hoc tempore nō pauci, *nemini & nullo modo vitandum esse consortium peste laborantium, multo minus*



*minus à locis tali lue infectis, esse disce-*  
*dendum.* Zanchius ex aduerso u-  
 trumque esse faciendum, modo id  
 fieret legitima ratione, idest, ut  
 quod Deus nobis injūxit officium,  
 cum illius ignominiā & Ecclesiæ  
 proximique injuria & fraude, non  
 negligamus. In contrarium argu-  
 menta hæc proferebantur, quæ  
 partim omnes fideles, partim solos  
 pastores spectabant, ex quorum  
 solutione pendet totius quæstionis  
 resolutio.

1. Ex eo desumebatur, quod  
 Pestilentia non sit morbus conta-  
 giosus, sed merum flagellum à Deo  
 immissum immediatè: quod pro-  
 babat exemplo pestis qua Deus  
 animadvertit in peccatum Davi-  
 dis post recensionē populi. 2 Sam.  
 ultimo cap.

2. A providentia Dei, cui non  
 potest resisti, illum habere in nu-  
 D merato



merato quos velit peste corripī,  
quibus parcere, nec id posse caveri  
ullâ hominum curâ.

3. A charitate, quæ non quærit  
quæ sua sunt sed quæ Christi &  
proximi.

Ad hæc communia omnibus,  
sic respondebat. Ad 1. falsum esse,  
morbum illum non esse *contagio-*  
*sum*, experiētiâ, præter varias ra-  
tiones, id evincente. Coactū etiam  
fuisse opponentem id agnoscere.  
Nec sequitur si sit flagellum Dei,  
non esse contagiosum; Lepra enim  
in illo populo fuit etiam Dei fla-  
gellum, sed quod suo cōtagio alios  
inficiebat. Idem dicendum de E-  
lephantiasi, scabie, & similibus  
malis, quæ si per legem Dei vitare  
licet, non minus licebit, iisdem ra-  
tionibus, pestilentiam vitare.

Addo, non verum esse semper  
pestem immediatè à Deo mitti si-  
ne



ne causarum secundarum influxu. Contrarium planè in plerisque locis videri, ubi vel causæ superiores, vel etiam inferiores, quæ extra ordinem aërem corrumpunt, prima sunt hujus mali rudimenta, quod paulatim accrescit corruptione accrescente.

Ad 2. respondebat, Providentiam Dei non tollere causas secundas, sed eas statuere, quia per eas decreta sua exequitur. Proinde decretum illud quo decrevit hos vel illos tollere, alios servare, non impedire studium hominum ut se servent, non solum remediis utentes quæ sunt ad manum & à medicis præscribuntur; sed etiam aliis, inter quæ hoc unum est, ut loca infecta vitent, qui vocatione sua ad *residentiam*, ut vocant, non tenentur. Cur non in peste faciendum esset quod in fame, bello, persecu-

D 2                    tione,



tione, & similibus? Quis enim negabit Deum hæc omnia moderari, ita ut ne pilus quidem capitis in terram cadat sine ejus providentia? Nemo tamen unquam Diem dixit iis qui famem fugiunt, & ut sibi & suis consulant, ex Palæstina in Ægyptum descendunt. Nemo iis qui ad militiam apti non sunt, vitio vertit, si bellum fugiant, & in alia loca commigrent in quibus pace frui possunt: Cum hæc etiam sint intermedia à Deo constituta, præsertim cum nobis non sit in hæc decreta Dei inquirendū, quæ cum sint ignota, nostrum est ita providentiæ Dei inniti, cui vita nostra subest, ut nihil eorum omitamus quæ ad vitam & valetudinem conservandam conducunt. Imò si certi essemus, Deum statuisse nos servare à peste, non esset tamen cessandum, aut negligentius curan-



curandum ne periculo nos ob-  
ceremus. Noverat enim Paulus  
quid Deus statueret de se & nava-  
libus sociis Act. 17. Nolebat tamen  
nautas se proripere, aliis relictis.  
Imò dicebat Ceterioni, *Si isti disces-*  
*serint, omnes simul peribitis;* quamvis  
enim sciret non perituros, non  
ignorabat tamē, medium quo na-  
vis servari posset in nautarum ope-  
râ consistere. Unde inferitur, legi-  
tima media non obistere divinæ  
providentiæ, sed ei subordinari.  
Idem de pestilentia sentiendum,  
non reluctari divinæ providentiæ,  
vel qui in communi laborant ut  
accensis ignibus, aut pulvere sul-  
phureo, aut aliis rationibus aëris  
intemperies corrigatur, vel qui pri-  
vatim prophylacticis utuntur, vel  
etiam qui, quantum per conscien-  
tiam possunt, infecta loca relin-  
quunt.

D. 3. Ad



Ad tertium, Charitatem non requirere ut omnes omnibus ægris adsint: ipsis succurri posse per eos qui ad id eliguntur. Esse etiam contra charitatem si quis ut uni inferat, multis officiat. Si familiam suam inficiat: Si alios in periculum adducat non necessarium. Regulam charitatis esse, ut consulatur pluribus, & ita applicari debere, ut sub illius prætextu, charitatem non lædamus. In hunc sensum de hac materia disseruit Hieronymus Zanchius.

Georgius Sohn etiam Professor Heidelbergensis, in Thesibus de causis & curatione pestis, opuscul. Tom. I. eandem sententiam amplexus est. *Eis qui sine Reipub. & Ecclesie incommodis, & salva charitate proximi abesse possunt, fugæ remedium esse concessum, atque in his locum habere illud medicorum, Citò, longè, tardè, cede, recede, veni.*

Guliel-



Gulielmus Perkinsus Theologus Anglus, vir pius, & in conscientia casibus apprimè versatus, explicans præceptum Decalogi VI, in parte affirmativa, qua statuitur vitæ nostræ & aliorum conservatio, Ad quæst. *An liceat homini fugere tempore pestis?* Resp. Quos impedit vocatio, quominus cedere possint, illis interdictum esse fugere, quales sunt magistratus & pastores, utpote animarum curatores: At qui liberi sunt & immunes, nec ad ullam obligati vocationem, illis concessam esse fugam. Rationes præcipuas has affert. 1. Incolunitatem suam atq; salutem quærere cuiuslibet liberum est, modo sine aliorum id fiat damno & detrimento.

2. Homini licet fugere bellum, famem, inundationes, incendium aliaque similia vitæ discrimina, cur non etiam pestem?



3. Diminuto plebis numero & coetu, ipsum etiam diminuitur periculum.

Ad objectiones autem ita respondet.

1. Fuga diffidentiae signum est. Resp. Diffidentia peccatum est, quod non in re ipsa, sed in persona situm est & committitur.

2. Inst. At res offendiculi plena est. Resp. Acceptum, non datum est illud scandalum.

3. Fugere, proximum est deserre, id quod charitati maximè repugnat. Resp. Minimè verò: dummodo adsint consanguinei, magistratus item, & verbi ministri.

4. Visitare aegrotos tenentur omnes homines, idque ex constitutione & ordinatione divina. Respond. Exclusi erant inter Judæos leprosi, atq; ita excepti etiam sunt illi, qui ejusmodi affecti sunt morbo,



bo, qui lepræ quam proximè re-  
spondet, nec sine periculo conta-  
giosus est. Hæc Perkinsus.

Hi omnes, Theologi fuerunt Or-  
thodoxi, nec ulla suspicionis labe  
unquam aspersi, quod providentiæ  
aut prædestinationi divinæ quic-  
quam unquam detraxerint; qui ta-  
men uno consensu docent, absti-  
nere posse fideles à locis infectis,  
& sibi fuga præcavere & suis, iis  
rationibus & modis quos charita-  
ti Christianæ repugnare non vi-  
dent.

Difficilior quæstio est de magi-  
stratibus & Ecclesiæ ministris, ma-  
ximè ubi agitur de fuga & secessu.  
Nam, cum eorū sit omnibus pro-  
videre, sanis & infirmis, nec id  
cōmodè possint si solum vertant,  
ferè omnium consensu ad residen-  
tiam obligantur, nec sine scandalo  
dato secedere possunt. Sic etiam



supposuerunt illi, quorum sententias adduxi. Sic Georgius Sohn paucis, sed expressis verbis, *Quos, inquit, publici muneris, sive Ecclesiastici sive politici, aut Christianae charitatis ratio jubet manere, eis Fuga remedium, & tria illa medicorum adverbia, Citò, longè, tardè, minimè conveniunt. Nunquam enim aut vocatio nostra deferenda, aut charitas proximi violanda. Joan. 10. v. 11. Matth. 25. v. 42. Itaque si fugiunt illi, malo malum curant.*

Id tamen in eo notandũ, etiam si maneant in loco communi, puta in civitate, & munia sua exerceant in Repub. & in Ecclesia, non teneri omnes, accedere laborantes, & cum eis præsentes communicare. Cum enim debitores sint firmis & infirmis, & familiis suis; sintque Reipub. & Ecclesiae addicti, nec vel totam vel maximam Reipub. aut



aut Ecclesiæ partē faciant qui sunt infecti, cur in aliorum præjudici-  
 um, se totos ei parti addicerent  
 quæ laborat? Et de Magistratu for-  
 tē non multum litigabunt, suffice-  
 re si per alios curet, ut ægris neces-  
 saria commodē & opportunē per  
 eos qui debent, & qui ad id desti-  
 nantur, administrentur: sed Pasto-  
 res debere id exequi *αὐτοῖς ἐργασώ-  
 πως*, quia tales sunt eorum mini-  
 sterii functiones, quæ per alium  
 fieri non possint, nec ab absenti-  
 bus sufficienter procurari. Itaque,  
 ubi unicus est pastor, necessarium  
 videtur ut gregi suo provideat, la-  
 borantes ad pœnitentiam invitet,  
 de beata & *ἡγιασμένη* eos rectē insti-  
 tuat. Tunc enim in vocatione sua  
 perstanti, *cadent a latere mille, & de-  
 cem millia à dexteris ejus, ad illum au-  
 tem non appropinquabit.* Psal. 91. v. 7.  
 Quod si aliter Deo videatur, Bea-  
 tus



tus tamen erit, qui cōtemp̃ta morte, officio suo fuerit ritè defunctus.

Et hæc certè maxima consideratione digna sunt. Sed nihilominus, etiam in hac necessitate, duo sunt animadvertenda. 1. Ubi plures sunt pastores, posse ea ratione quam diximus Genevæ consuetam esse, unum aut alterum ex pluribus delegari, qui sorte sint delecti, & infectis adsint, adhibita tamen prudentiæ regula in accessu, id est, ne tam propè accedant, cum remotiores audiri possint ab ægro, ne accedant nisi adhibitis remediis præcaventibus, nisi fortè urgeat necessitas: Et ne familiam inficiant, quamdiu in illo opere versantur, procuretur eis à magistratu locus publicus, cum necessario ad id famulatio. Tum reliqui Pastores, commodè poterunt reliqua munia exercere in publico Ecclesiæ cœtu, &



AD AMICVM. 85

& in consolatione afflictorum, aut aliis morbis laborantium qui sint minus periculosi, qui alioquin abhorrent à pastorum suorum præsentia, si eos scirent promiscuè infectas eedes frequentare. Ita quoque sentiunt doctissimi quique Theologi, etiam ii qui in hac materia videntur rigidiores. Sic Joh. Gehrardus Theol. Jennensis Locorum Comm. Tom. vi. pag. 469. *Non tamen, inquit, improbandum videtur, si qua Ecclesia Ministris verbi compluribus instructa sit, & conveniat inter eos, uni vel pluribus officium aegrotos visitandi committere, vel etiam unum aut plures quorum opera Ecclesiæ insigniter utilis esse possit, à se in loca tuta dimittere.* Quam ejus sententiam refert & probat Paulus Tarnovius, nuper Rostochiensis Professor, lib. de Ministerio 3. cap. 2. Sic etiam Zanchius loco citato, *Cur Ecclesia unum*

&



*& alterum, vel plures pro temporum  
necessitate, huic officio faciendo non con-  
stituit, qui omnium aegrotorum curam  
suscipiant: aliis qui magis Ecclesiae sunt  
necessarii hoc invisendi labore liberatis?*

Fundamentum illius sententiae  
hoc est, Curandam esse singulo-  
rum membrorum salutem, sed in  
primis totius corporis, & maximè  
ne tota Ecclesia pastorum suorum  
ministerio fraudetur. Unde etiam  
id sequitur, ubi unicus est Pastor,  
toti Ecclesiae communis, videndum  
esse si qua alia ratione aëgris suc-  
curri possit, quæ eum non reddat  
inutilem aut suspectum reliquo gre-  
gi: quod in his regionibus, etiam  
extra periculum contagii, consti-  
tutum est, ut aliqua oneris parte  
levantur pastores, adhibitis ex alio  
ordine consolatoribus. Id diffici-  
lius est, ubi administratur cœna  
Domini clinicis, tum enim videtur  
neces-



necessaria Pastoris opera, quamvis  
existiment nonnulli, id fieri posse  
per interpositā personā, quemad-  
modum olim Serapioni modicum  
Eucharistæ madefactum, à mini-  
stro decumbente, per puerum de-  
latum est: referente Euseb. Hist.  
Eccl lib. 6. cap. 34. Sed exemplum  
legem non facit, maximè cum sit  
unicum, & institutioni S. Domini  
cœnæ repugnans. Existimat ergo  
Frid. Balduinus, Casuum Consc.  
lib. 4. cap. 9. magis consultum esse  
ut pastor visitet ægrotum, eumque  
*ex gurgustio suo*, ut ille loquitur, in  
locum apricum deferri curet, ipse-  
que eminus adversus ventū ægrum  
audiat, sacram cœnam porrigat,  
cæteraque ad hunc actum perti-  
nentia exequatur: ita minus peri-  
culi infectionis futurum. Addit  
tandem, *Sacramenti cœnæ non tantam  
esse necessitatem, ut in isto periculo pestis,*  
*propter*



propter unum aut alterum infirmum,  
 alibi locorum cœtus integer, periculo in-  
 fectionis committatur. Nos qui cœ-  
 nam in eum finem institutam esse  
 novimus, ut in cœtu Ecclesiæ ad-  
 ministretur, quique fideles horta-  
 mur ut dum sani sunt, & opportu-  
 nitas adest, communionem sacram  
 frequentent, vix habemus qui in  
 hoc agone id expetant, quod no-  
 runt necesse tum necessarium, nec  
 etiam convenire. Itaque commu-  
 nionem cum Christo alia ratione  
 apud se confirmant, memoriâ præ-  
 teritæ perceptionis sacramenti, &  
 verbo præsentis, quo fides eorum  
 corroboratur. Et certè non est de  
 nihilo quod ab hujusmodi fun-  
 ctione excipiendos putât magnos  
 viros, qui ut viventes plurimum  
 prosunt Ecclesiæ, sic etiam obitu  
 suo eam desolatam relinquunt &  
 utilissimis instrumentis carentem:  
 Maximè



Maximè si tales sint qui etiam in scholis doceant, qua ratione etiam exceptum fuisse D. Bezam Genevæ, quantumvis reluctantem, ab iis qui aderant, intellexi. Et non immeritò cōqueritur D. Zanchius, quod occasione cujusdam fœminę pestilentia laborantis Tiguri, D. Henricus Bullingerus redierit pestilentia infectus totamque inferret familiam, ita ut inde illius uxor & duæ filiæ obierint: quum saluti & consolationi illius ægro-antis fœminæ alia ratione, quam accessu tanti viri, consuli potuisset. *Annon etiam, inquit, amanda erat familia & Ecclesia: & utriusq; ratio habenda?* Concludebat ergo, Bonum publicum præponendum esse privato, & majus minori, neque Imperatores in prima acie summis periculis esse exponendos, quod hoc exercitui non sit consultum.

Possẽ



90 A. RIVETI EPIST.

Possẽm adjicere Zachariam Ursinum, itidem Theologum Heidelbergensem, Exercit. Theologicarum parte 2. pag 514.

Hanc etiam fuisse Ecclesiarum in Gallia reformatarum communẽ sententiam, patet ex responsione Synodi Nationalis habitæ Vitriaci in Armorica provincia, anno 1583. in Majo mense, qua Ecclesiarum Belgicarũ nomine, comparuerunt tres delegati, Michael Forestus Gallicæ Eccles. Mechliniensis, Doctor J. Bollius Gandavensis Ecclesiæ, & J. Harenius Ecclesiæ Gallo-belgicę Brugenſis Pastores. Sic autem habet Articulus Responsorum xxv. *Ad quæstionem à deputatis Pictaviensibus propositam, num expediat ut Ministri verbi agros peste laborantes visitent? Synodus hoc consistoriorum prudentiæ commisit: existimans nihilominus id fieri non debere nisi*



nisi ob graves & urgentissimas causas,  
 ne tota Ecclesia periculo exponatur, dum  
 quibusdam privatis consulitur: nisi con-  
 solatio adhiberi possit sine periculo, &  
 aeger ex remoto loco consolantem possit  
 audire. Interim censet, Pastorem cum vi-  
 det periculum ingruere, populum in or-  
 dinariis suis concionibus debere ad pa-  
 tientiam preparare, per spirituales con-  
 solationes, ad id etiam selectis aptis &  
 commodis S. Scripturæ locis. Ex quo  
 tria colliguntur: Ecclesiarum illa-  
 rum sententiam esse, 1. Morbum  
 illum esse contagiosum. 2. Cuique  
 ab eo prudenter sibi esse caven-  
 dum, nec temerè frequētanda esse  
 infecta loca. 3. Ubi pauci sunt Pa-  
 stores toti Ecclesiæ communes, ita  
 ægrorum consolationi providen-  
 dum, ut maximæ Ecclesiæ parti  
 non præjudicetur, dum pastor plu-  
 ribus inutilis redditur, ob paucio-  
 rum commodum. In omnibus ta-  
 men



men adhibendā esse regulam charitatis & prudentiæ Christianæ.

Nec video aliter sentire Theologos Pontificios qui de casibus cōscientiæ scripserunt, quod etiam ex eorum praxi constat, ubi maximè viget eorum Theologia, ut in Italia & Hispania, atque alibi passim; cavent enim maximè ne, qui vellevissimè suspecti sunt infectionis, alios frequentent, & in civitatibus minimè infectis recipiantur. Unde Summistarum quæstiones de juramento eorum qui ex locis contagiosis veniunt, an id possint fide data negare, si norint se nulum periculum posse creare recipientibus se: & an possint æquivo-catione fallere? Respondent enim omnes, se id posse, si merito credant venientes ex loco pestilenti, nec se, nec aliquid suum peste infectum esse, aliàs nulloatenus jurare licere, quando est periculum



lum contagionis. Sic Toletus lib. 4. Summæ cap. 21. Lessius de justitia & iure, cap. 42. dub. 2. n. 47. Sanchez Moral. Tom. 2. lib. 3. cap. 6. num. 35. & alii plures. Qui mos etsi improbandus sit maxime, ostendit tamen apud eos contagii fugam, non tam suaderi, quam legibus imperari. Imo etiam jus Canonicum decernit, Si accideret pestem in loco studii grassari, tunc posse scholasticos & Professores in quandam vicinam civitatem aut oppidum secedere, eosque tam comitatuos privilegia que erant data studio generali in loco electo, ut refert Petrus Gregor. De Repub. lib. 18. cap. 6. num. 10. Audio Gabrielem Bielem & Ludovicum Berum de fuga pestis tractatus conscripisse, indicante Molano in Bibliotheca materiarum, sed non mihi eos videre contigit, nec in re manifesta, multis testibus opus est.

Ego



Ego igitur in hoc negotio puto, justas esse causas cur ab eorum virorum quorum adduxi judicia, sententiâ non discedam, quæ mihi videtur fidem in Deum servare, & charitatem cum prudentia conjungere. Non dubito, quin pestilentia immittatur à Deo justas ob causas, quam etiam immorigeris comminatur, Levit. 26. v. 25 Deut. 28. v. 21. Num. 14. v. 11. & 12. Jerem. 24. v. 10. Ezech. 6. v. 12. Novi Pestem anteivisse Deum, & præcessisse anthracem ad pedes ejus, à meridie venientem & sancto monte Paranis. Chabak. 3. vers. 3. & 5. Ipsi Ethnici non ignorarunt, immisas fuisse sævissimas pestes à Deo irato; unde & id factum est, ut Deos suos variis modis placare laboraverint. Sic Romani, peste grassante, ludos scenicos in eum finem instituerunt, Orosio teste lib. 3. contra gentes

cap.



cap. 4. Et aliàs Sibyllarum libros  
evolverunt ut quid factu opus ef-  
set, inquirerent. Idem lib. 4. cap. 5.  
Nobis satis constat quid sit facien-  
dum, si modo illud in nobis susci-  
piendi animus esset. Monent non  
Sibyllarum folia, sed Prophetarum  
libri, Deo ipso contestante, uni-  
cum esse remedium in verâ pœni-  
tentiâ. Si, inquit, 1 Reg. 8. & 2.  
Chronic. 6. *immisero pestem in popu-  
lum meum, & deprimentes se populus  
meus super quos invocatur nomen meum,  
oraverint & requisierint faciem meam,  
revertentes à viis suis malis; vicissim ego  
audiens è cœlis, condonabo peccatum eo-  
rum, & curabo terram eorum.* Huic  
exercitio præsertim incūbendum,  
sine quo nihil proficitur, vel fuga,  
vel præcautionibus, vel purgatio-  
ne ædium, vel excitato fumo sul-  
phuris aut pulveris, vel ignibus ac-  
censis, vel alio quo vis remedio, ex  
causis



causis naturalibus desumpto. Frustra sunt qui Deo, non in primis placato, cū morte fœdus se putant inire posse. *Pepigimus, inquit, fœdus cum morte & cum sepulchro egimus cautum: flagellū inundantis non transibit, non obveniet nobis, quia disponimus fallaciam receptum nostrum, & in mendacio abscondimus nos. Esai. 28. v. 15. At frustra sunt; Deus è latibulo suo eos eruet, Immittet pestem in civitates eorum, & sanguinem in vicos earum. Ezech. 28. v. 23.*

Nec minus detestandi sunt, qui fiduciæ in Deum nomine abutuntur, & contemptum mortis præ se ferentes, non moventur tot funeribus, in quorum medio, indulgent genio, ex eorum schola qui, tempore quo vocat Dominus Iehova exercituum ad fletum, & ad planctum & ad calvitium, & ad cincturam cilicii, ad lætitiā & gaudium se convertunt,

occi-



## AD AMICVM.

97

occidendo boves, & jugulando pecudes,  
comedendo carnes, & bibendo vinum,  
dicentes, edamus, & bibamus, cras  
enim morituri sumus. Esai. 22. v. 12. 13.  
Exhorruī sanè ad hāc ἀναισθησίαν,  
cum mihi nunciatum fuit quibus-  
dam in locis quo tempore pestis  
magis sæviebat, auditos fuisse, die-  
bus ferè singulis, clamores bac-  
chantium, bibētium & tripudian-  
tium, in viduis recens ædibus, in  
ipsis vicis & plateis civitatū; à fune-  
re sæpè, non ad simplices tantum  
cōpotationes & assuetas, sed etiam  
ad nuptiales epulas coëuntium,  
eorum & earum quorum conju-  
ges recens ferali urnæ fuerant con-  
clusi. Quæ barbaries? Quæ stoli-  
ditas, vix in brutis animalibus fe-  
renda? Hæc mihi in mentem re-  
vocant illud August. lib. 1. de Mo-  
rib. Eccles. Cathol. cap. 34. Novi  
multos qui luxuriosissimè super mortuos  
E bibant,



98 A. RIVETI EPIST.

bibant, & epulas cadaveribus exhibentes, super sepultos se ipsos sepeliant, & voracitates ebrietatesque suas deputent religioni. Mihi sanè, & aliis multis, semper displicuit mos ille compositionum, post deductum funus, cujus origo aliunde arcessi nō potest quam ab Ethnicorum feralibus conviviis. Sed si aliquid indulgendum esset, quo tempore pauci moriuntur & fato naturali; an propterea vel idem usurpandum est, vel licentiosius etiam agendum, cum ad fletum, planctum, & cilicium vocamur? Quid ergo mirum si adversus tales revelaverit se Iehova exercituum? ne vivam, inquit, si expietur ista iniquitas vobis, donec moriamini. vers. 14. Sic, cum apud Corinthios Ecclesiam Dei contemnerent & pudefacerent, dum uno esuriente, alius ebrius erat, & profanarent mensam Domini, Propterea inter eos multi fuerunt



runt invalidi & debiles & dormierunt  
multi, quia seipsos non dijudicarunt, ne  
à domino punirentur. 1 Cor. II. v. 30.  
& 31. Ad hæc Dei iudicia nisi con-  
tremiscamus, quid de nobis ulte-  
rius sperandum, nisi ut idem pro-  
nunciet Deus, quod de Israëlitis  
Esai. I. v. 5. Quo percutimini amplius,  
augetis apostasiam; totum caput confe-  
ctum est, eadem aegritudine, & totum  
cor languidum. Quid, quod in istis  
etiam, vinolentiis & comessationibus  
deditis, cupiditas & avaritia se ad-  
junxit, defunctorum bonis inhians,  
& ad ea vel diripienda, vel titulo  
aliquo vindicanda ita excurrens,  
ut contempto omni periculo, vix  
expectaverint corporum infecto-  
rum sepulturam? Et tamen non  
pauci ex talibus in eos qui sibi pru-  
lenter cavent, debacchantur, suam-  
que, si Deo placet, fidem, & cha-  
ritatem predicant! An putatis ergo



100 A. RIVETI EPIST.

fidei in Deum signa esse, ridere dum percutit? an non potius si qui ad iudicia Dei contremiscant, & ejus opem implorent?

Et tamen, dum in Deum spes recumbit, dum precibus & votis mala deprecamur, quæ manus ejus immisit, & ejus misericordiam imploramus, quæ Angeli destructoris impetum, aut moretur, aut penitus cohibeat: negligenda non sunt, quæ legitimè usurpari possunt omnia ex causis secundis, & Deo subministrantibus. Nam cum apud omnes constet, habere etiam pestilentiam suas naturales causas, tam in ortu suo sæpè, quam in progressu semper: quid obstat quominus, contrarias etiam, quantum fieri potest, adhibeamus, ut earum vim retundamus Deo benedicente? Quis nescit aliquando pestem oriri ex sordibus residentibus, & cloacis



cloacis non purgatis? Aliquando  
causam esse in sole, si calore vel  
nimio ardore aestuet, quo morbi-  
dos ex terra vapores trahit, quibus  
ægra corpora, & ob insolitam mu-  
tationem aëris languentia pestilē-  
tibus morbis consumuntur? Dio-  
dorus certè Sículus, Bibliothecæ  
lib. 12. ex aquis stagnantibus æstu  
solis concalefactis, auras crassas te-  
trique odoris exhalare tradit, qui-  
bus diffusis aër inficitur; fruges  
etiam nimium humectatas inde-  
cocto succo virulentas, inficere  
vescentes, auramq; æstivam si non  
Ethesis refrigeretur plurimū no-  
cere. Addit Marsilius Ficinus in  
Epid. Antidor. cap. 2. *Pestis vapo-  
rem in aëre creari cum universalior est,  
ex malignis quibusdam constellationi-  
bus, præsertim ex Martis, cum Saturno,  
in signis humanis conjunctione, ex lu-  
minarium Eclipsibus, &c.* Sed hoc  
E 3 etiam



etiam notat quod diximus, in particularibus pestilentiis, causam esse in ventis & malignis lacunarum & cloacarum vaporibus, & pariter ex terræ motibus. Sed semper in aëre crasso & paludoso, nubiloso & fœtido regnare. Quarum causarum nonnullæ in his regionibus concurrunt, & in locis illis & oppidis maximè, in quibus pestis plurimum sæviit.

Quid ergo? Si Magistratus Reipub. & subditorum curam gerens, jubeat purgari cloacas, stagnantes aquas moveri & innovari; aëris humiditatem nimiam, frequentibus ignibus temperari, ædes infectas non antè à novis hospitibus inhabitari, quam suffumigationibus, post accuratam lotionem, salubriori aëre revocato? An propterea impietatis erit insimulandus, quasi adversus manum Dei exten-



extensam reluctaretur, & vellet  
 θεομαχεῖν? Quasi vero non potius  
 adversus Deum insurgeret, si ne-  
 glecta salute populi sibi commissi,  
 post ea quæ πρὸς τὸ θεὸν sunt pri-  
 mum & ante omnia procurata,  
 non omnem lapidem moveret, &  
 vias omnes legitimas tentaret qui-  
 bus morbi vis, quodammodo re-  
 mittat. Itaq; ad ejus officium per-  
 tinere contendimus, ut non solum  
 ea quæ dicta sunt statuatur & jubeat,  
 sed etiam eos cohibeat, qui omni  
 charitate in proximum destituti, se  
 aliis impunè immiscent; postquam  
 immediatè ex locis infectis egressi  
 sunt, sine ulla nota qua discerni  
 possint vel ædes vel personę eorum  
 qui nondum sanati, inter sanos in  
 templis & locis aliis publicis se-  
 dent; qui apertis officinis merces  
 suas exponunt venales, eo ipso die,  
 aut paulò post quam cadavera ex



iis delata sunt. Quæ certè licentia, in his locis tanta est, ut mirandum non sit pestem tam latè serpere, sed potius mirandū sit quomodo tandem fieri possit ut cesset unquam.

Hic autem permitte mihi ut paululum digrediar, non tamen extra rem, & dicam quid sentiam de eo quod mortuorum cadavera etiam tempore contagii illius, non in civitatibus tantū, sed prætereā in Templis ipsis in quibus ad Dei cultum convenimus, sepeliuntur & tumulantur. De eo in genere sententiam meam protuli ante annos multos in publico scripto, sed nunquam tunc tēporis exemplum videram, ne apud Pontificios quidem, cadaveris peste infecti, in Templo tumulari, quod non sine horrore fateor me vidisse in his regionibus, ita ut etiam, dum sacra haberetur cōcio, aperta ante oculos



AD AMICVM. 105  
los essent sepulchra, cum capsis  
mortuorum recens conditis, &  
alias expectantibus, priusquam ter-  
ra injiceretur. Hæc res enim mihi  
visa est paulum abesse ab eorum  
moribus, qui fontes publicos infi-  
ciunt, quod vix possunt efficaciori  
modo, quam si talia cadavera aquis  
illis immergant. Absit tamen invi-  
dia verbo, quia id ab his tentari  
scio pessimo animo; ab illis autem  
ex aliqua in defunctos caritatis spe-  
cie, & honoris exhibitione. Sed,  
certè aliter posset honor ille de-  
functis tribui, quam ea ratione,  
quæ viventibus adhuc & spiranti-  
bus Ecclesiæ membris noxia sit, &  
perniciosa.

Legi nonnullos qui αὐτόπῳ de  
gentium & nationum variarum mo-  
ribus & ritibus scripserunt, circa  
mortuorum sepulturam: Alios etiam  
audivi qui plures hominum habi-

E s            tatio-



tationes, variis in locis habitabilis orbis peragraverant; Testes eos vocare vellem an in toto oriente, five in Europæ illa parte quâ Turcarum Imperator occupat, five in Asiæ diversis regnis & Provinciis, five in Africa, unquam viderint aut audierint, etiam eos quos barbaros existimamus, loca ad cultum destinata mortuorum cadaveribus replere? an id etiam sit in praxi Christianorum qui apud illas nationes sunt dispersi? Memini me, cum nuper de eo cum nonnullis agerem, mihi narratū fuisse, quam nitidè & purè loca illa habeant, quam alieni sint ab eo more sepeliendi in iis defunctorum cadavera, ut ne ipsis etiam Imperatoribus id concessum sit.

Non existimo necessarium esse pluribus ostendere, id, ne quidem in civitatum ambitu, olim fuisse  
con-



concessum apud gentes. In populo  
 Dei res est extra controversiam, se-  
 pulchra mortuorum extra urbes  
 fuisse, & elatos fuisse ex urbibus  
 quoscumque, quorum sepultura in  
 sacris fit mentio, Gen. 25. vers. 9.  
 Marc. 5. v. 2. 14. Luc. 7. v. 12. Joh. 11.  
 v. 3. & 31. exceptis fortè regibus;  
 qui in civitate Davidis sepeliebantur,  
 sed in loco extra viventium  
 consortium delecto; nempe in  
 hortis, & quæ in eis, cryptis & spe-  
 luncis. Non insistam in eo, quod  
 Athenienses olim extra urbis suæ  
 pomœria mortuos suos ex lege se-  
 peliebant: quod ab iis portæ civi-  
 tatis *ἡεραία* appellabantur, quod  
 illinc mortui ad sepulchra effer-  
 rentur; quod ad portas urbis fie-  
 rent sepulchra, in agrorum finibus,  
 vel ad vias; Quod legibus duode-  
 cim tabularum cautum fuerit, ne  
*quis hominem in urbe sepeliret, neve ure-*  
 ret.



ret. Quod Adrianus Imperator prohibuit non solum mortuos inhumari Romæ, sed ne quidem in ulla Imperii sui civitate, addita ratione *ne sanctum municipiorum jus polluatur*, vel ut ait Paulus J.C. *ne funestarentur sacra civitatis*. lib. 12. c. de Rellig. & sumpt. funerum. Paulus l. 1. Sent. Tit. 21. Jus enim Pontificium Romanorum, non permittebat *locum publicum obligari privata religione sepulchrorum*, ut à Cicerone est animadversum. Testimonium Varronis habemus l. 5. de lingua latina, *Monumenta in Sepulchris secundum viam fuisse, quæ prætereuntes admonerent, & se fuisse, & illos esse mortales*. Sunt qui ex professo argumentum illud de ritu, more & legibus prisce funeris, tractarunt, quorum libros describere nec libet, nec opus est. Id tantum animadvertendum causam hanc quæ  
Roma-



Romanorum lege affertur, perpetuam habere vim, *pollui municipia* cadaveribus mortuorum, non quidem morali pollutione, vel ceremoniali, ut apud Judæos, sed certè Physicâ, quæ in eo consistit, quod non aër solum vicinus apertis monumentis, & vaporibus è terra exhalantibus inficitur, sed aquæ etiam puteorum, quæ per ejusmodi terras colantur, non possunt quin aliquam qualitatem induant reconditi foetoris. Legebam nuper apud Lylum Gregorium Giraldum, antiquissimi fuisse quidem instituti, ut intra urbem & domi quoq; defunctorum cadavera conderentur, inde etiam remansisse larium & penatum religionē, qui ea de causa domi à gentibus colerentur. *Verum ea mox consuetudo* (ait ille, lib. de vario sepeliendi ritu) ut FOEDA AC TERRA, antiquata & in totum sub-



110 A. RIVETI EPIST.

*sublata, quod ille probat adductis  
iisdem legibus quarum nuper me-  
minimus. Qui etiam sequentia ad-  
dit, ad rem nostram maximè spe-  
ctantia. Quibus de causis cadavera ex-  
tra civitates sepelirentur, inter alias po-  
tissimum has afferri video, ut scilicet li-  
bera urbs tetro cadaverum odore, minus  
pestilenti aëre afficeretur, & ut illac  
transeuntes viatores ad laudes accende-  
rentur, monerenturque ad præclara fa-  
cinora obeunda, neve si ita accideret, pa-  
terentur hostes in suorum monumenta  
grassari, & perinde etiam alacriori ani-  
mo à mœnibus urbis propellerent.*

Pergit postea, & in mores ho-  
diernos sic invehitur. Nunc Chri-  
stiani nostri (prò Majorum nostrorum  
sancta instituta deperdita!) non intra  
urbem modo defunctorum corpora con-  
dunt, verum & si Deo placet, IN TEM-  
PLIS, ipsisque delubris & sacellis, in  
quibus divorum cineres & reliquiae tan-  
tum



tum servari & venerari majorum nostrorum religio fuit, nefariorum & sceleratissimorum hominum, utinam & non etiam impiorum foedissima cadavera condunt: quod fieri præter majorum leges & instituta, vehementissimè doleo. Hæc vir ille, alioqui Pontificiorum sacris addictus, apud quos mos ille, ex superstitione & avaritia, inolevit. Nam quod de majoribus suis ait, non de Ethnicis tantum Romanis est intelligendum, sed etiam de Christianis, apud quos primis & purioribus seculis, & quibusdam etiam sequioribus, mos ille in usu non fuit. Testes habemus Christianorum Impp. Constitutiones, quibus id prohibetur, ut in Capitulari Karoli & Ludovici CLIX, *Vt deinceps NULLVS in Ecclesia mortuum sepeliat.* & cap. 2. XLVII. *Vt de sepeliendis in Basilicis mortuis illa constitutio servetur, quæ ab antiquis Patri-*  
bus



*bus constituta est.* Et certè Joannes Stephanus Durantus præses Tholosanus qui ritus Ecclesiæ, quam Catholicam appellat, scripto consignavit, libro 1. cap. 23. *Eam fuisse veterum Patrum Religionem fatetur, ne intra Ecclesiam defunctorum corpora sepelirentur.* Qua de re extant adhuc Canones Conciliorum Vasensis anno 443. Triburiensis anno 895. & Nannetensis eodem ferè tempore, citante eodem Durantio. Certè Triburiensis Synodi Canon 17. prohibet laicos ullos in Ecclesia sepeliri, jubetque ut corpora antiquitus in Ecclesia sepulta, nequaquam projiciantur, sed pavimento desuper facto, nullo tumultorum vestigio apparente, Ecclesiæ reverentia conservetur. Vbi vero id, præ multitudine cadaverum difficile sit facere, locus ille Cœmeterium & Polyandrium habeatur, ablato inde altari & constituto, ubi religiose sacrificium



*cium Deo valeat offerri. Unde liquet eos adhuc tum judicasse Ecclesie reverentiam non ferre, ut sepelirentur in ea mortui, neque religiosè sacramenta administrari in locis cadaveribus repletis. Sed expressa est constitutio Concilii Braccarensis, quæ Bragga est in Hispania, cujus Canon habetur in Decreto Burchardi, lib. 3. cap. CLVII. Placuit, inquit, ut corpora defunctorum NULO MODO intra basilicam sepeliantur. Adduntque firmissimum hoc privilegium adhuc retinere Gallia civitates, ut nullo modo intra ambitum murorum civitatum, cujuslibet defuncti corpus sit humatum. Est Canon 36. Braccarensis Concilii i. habiti sub Rege Ramiro, in quo privilegium illud non restringitur ad Gallia civitates, sed in genere, quavis Burchardus Gallie nomen addiderit, civitates sine adjunctione memorantur.*



rantur. Habitu fuit hoc Concil.  
Anno Christi juxta Baronium 563.

Hanc *institutionem majorū PIAM* agnoscit Durantius, & à *Carolo Magno renovatam & instauratam*. Id tantum Imperatoribus cōcessum fuerat olim, ut intra vestibula Templorum, seu in porticu, sepelirentur. Aliis nullis concedebatur. *At* hodie, ait Durantius, *recepta consuetudine, præter majorum leges & instituta Christiani, nedum Imperatores & sacerdotes, quibus id postea indulcū fuit, sed etiam laici passim, intra Ecclesiam sepeliuntur, & alii complures.*

Apparet autem id invaluisse per malos mores, ambitionem, superstitionem, & avaritiam. Cum enim viderent homines id speciali privilegio magnatibus tributum, ut primū vestibulis Templorum, deinde paulatim intra ipsas Basilicas sepelirentur, quod etiam honoris



noris causa Episcopis & aliis Ecclesiasticis concessum est: qui auctoritate aliqua pollebant, id etiam expetebant: & ut concederetur, Ecclesiis in quibus sepulturam affectabant aliquid testamento legabant: unde postea accidit, ut patuerit omnibus janua, oblata pecunia, quamvis initio reclamantibus nonnullis Conciliis, & prohibentibus *vendi sepulturam*, ut in Concilio Triburicensi supra memorato factum est, Canone 16. Et in Concilio Vasensi & Nannetensi. *Interdictum sit, inquit, omnibus Christianis, terram mortuis vendere, & debitam sepulturam negare.* De quo antea Hieronymus, in quaest. ad cap. 23. Gen. *Sciant qui sepulchra venditant, nec coguntur ut accipiant pretium, sed à nolentibus etiam extorquent, immutari nomen suum, & perire de merito eorum.* Et Gregorius I. lib. 7. Epist.



116 A. RIVETI EPIST.

Epist. 15. Januarium Episc. Sardinie  
redarguit, quod à Nereida fœmi-  
na clariss. ~~centum~~ solidos pro filia sua  
sepultura voluerit exigere. Admonet  
autem, ne hoc avaritiæ vitium vel in  
alienis denuo tentari præsumat; prohi-  
berque ne quicquam petatur aut exigat-  
ur. Sed ipse Gregorius, qui mo-  
dum avaritiæ ponere voluerat, ei-  
dem imprudens frēna laxavit, cum  
lib. 4. Dial. cap 10. docuit, hoc pro-  
desse mortuis quos gravia peccata non  
deprimunt, si in Ecclesia sepeliantur, quod  
eorum proximi quoties ad eadem sacra  
loca veniunt, suorum, quorum sepulchra  
aspiciunt, recordantur, & pro eis Do-  
mino preces fundunt. Hoc enim semel  
admisso, & crescente in dies super-  
stitione, nemo fuit qui non ambie-  
rit, & redimere noluerit hoc pri-  
vilegium; unde creverunt aucupia  
illa testamentorū, & donariorum,  
& locorum licitationes in templis,  
pro



pro ratione graduum, & vicini-  
tatis altaris majoris, vel minoris.  
Qua semel data porta *αἰσχροτέ-  
ρα* ingressa est, & locum occupa-  
vit tota, ita ut iterum Domus Dei  
facta fuerit *spelunca latronum*, ubi  
nihil fuit non venale, nec cuiquam  
licuit gratis mori & sepeliri.

Qui igitur factum est, cum ipsi  
superstitiosi agnoscant id esse con-  
tra *majorum instituta*, contra *honorem*  
*Dei*, & *cultus religiosi*, ut templa ape-  
riantur cadaveribus, & in sepul-  
chra mortuorum transformientur;  
ut, qui alias omnes superstitiones  
& abusus Pōrificios se ejerasse pro-  
fitentur, pessimum hunc morem,  
& talem etiam agnitum ab iis qui  
in illum degenerarunt, retinuerint,  
& quodammodo auxerint, ita ut  
hoc non amplius sit privilegium  
paucorum, sed omnium, quibus  
unde emanat suppetit, jus commu-  
ne,



118 A. RIVETI EPIST.

ne, cū publica injuria cōjunctum?  
An adhuc superstitio quorundam  
animos occupat, qui existiment lo-  
ci sanctitatem animabus prodesse  
quarum ibi reconduntur thecæ?  
Id fortè de Pontificiis cōcedi pos-  
set, qui etiamnum in iis promiscuè  
sepeliuntur. Sed cum ex jure Pon-  
tificio polluta censeantur Tempa,  
quæ ab Hæreticis tam vivis quam  
mortuis occupantur; non possum  
mihi persuadere Pontificios no-  
biscum habitantes, religione loci  
adduci ut talem experant sepultu-  
ram. Quæ igitur causæ nos movent  
ut vel iis eam concedamus, vel  
etiam nostris procuremus? Di-  
camne quod verum est?

*Impulit ambitio, vexit avaritia.*

Non video quorsum id referri pos-  
sit, nisi ad duas hasce causas revo-  
cetur. Nolunt divites, aut qui tales  
haberi volunt, sepulchrum habere  
cum



cum pauperibus commune. Putant honorificentius esse, si intus intra septa templi recondantur, quam si in communi cæmeterio, sub dio, resurrectionē expectent. Nolunt etiam qui Templorum redditus administrant lucrum hoc imminui, quod ex defunctorum sepultura qui in templis reconduntur iis seritur & metitur. Hinc illæ lachrymæ. Scio prætexi, pauperibus partem lucri illius cedere & aliis Ecclesiæ usibus. Sed alia ratione utrisque provideri posset, quam ea quæ neque honesta est, neque sine periculo cōiuncta. *Domus mea domus orationis vocabitur*, ait Dominus. Jerem. 7. v. 11. Marc. 11. v. 17. Non ergo in eum finem construi debet ut sit cōmune sepulchrum. *Non qui mortui sunt laudant Dominum, neque quicunque descendunt in locum silentii.* Psal. 115. v. 18. *Templa non*



non sunt *loca silentii*, sed in iis resonare debet verbum Dei, & fidelium cantus, & orationum sonus. Quid ergo defunctis cum Templis, cum neque verbum Dei audire possint, neque preces fundere, neque etiam pro iis preces Deo offerri, nec si posset, ossium & cinerum præsentia ad id esset necessaria?

Dicet aliquis fortasse, id expeti à viventibus, ut mortui quiescant in Templis, ut testentur fidem suam etiam post mortem, & spem futuræ resurrectionis; seque in ea vixisse professione quæ in locis illis exercetur. Sed id dici non potest, quoniam iis etiam aditus patet, qui à sacris nostris abhorrent. Deinde si id ad rem faceret, cur quibusdam tantum id concederetur, exclusis aliis qui non sunt solvendo? Regerent fortè, se ibi habere sepul-



sepulchra majorum suorum. Sed neque hoc de omnibus dici potest, cum multi sepeliantur ibidem ex-teri, multi etiam quorum maiores alibi quiescunt. Præterea cum templa sint juris communis, quæ ratio dari potest, ut ibi ematur alicui aut vindicetur sepulchri possessio? Accedit quod maiores illi plerique, veteri socordia & superstitione moti, sibi & suis talem sepulchri locum elegerunt: unde potius posteris melius institutis inferendum est, à talibus sepulturis abstinendum esse, ne suspecti sint, quasi reliquum apud ipsos esset veteris superstitionis fermentum.

De ambitione quod dixi pariter ipsi confirmant. Ejecta sunt è templis Idololatriæ instrumenta; ablatae vel abraſæ imagines quæ conversæ fuerant in idola; ut in eorum locum substituerentur nostræ

F  
vani-



vanitatis indicia, ut Templorum  
 parietes & columnæ pensilibus ta-  
 bulis ex omni parte scaterent, qui-  
 bus, æmulandi studio, quisque pro-  
 ximum suum superare conatur, ita  
 ut tandem effectū fuerit, ut schola  
 humilitatis & abjectionis nostræ,  
 in superbiæ monumentum sit mu-  
 tata, & iisdem parietibus quibus  
 inscribuntur mandata Dei & pro-  
 fessio fidei, affigantur, ut mollis-  
 simè dicam, profana hominum  
 stemmata, & insignia. Quæ omnia  
 secum trahunt tales sumptus, &  
 impensarum non necessariarum  
 onera, ut profusionis illius, super-  
 stes familia, apud multos, sentiat  
 incommoda. Non dubito quin ad  
 hæc & similia ingemiscant pii Ec-  
 clesiarum Pastores & id emenda-  
 tum velint, ferantque quod non  
 probant, in eo fortassis Augusti-  
 num imitati, qui *multa quæ appro-  
 bare*



bare non poterat, propter nonnullarum  
vel sanctarum vel turbulentarum perso-  
narum scandala devitanda liberius im-  
probare non poterat. Epist. 119. ad Ja-  
nuar. cap. 19. Sed tamen, postquam  
eo usque res processit, ut multum  
obsit Reipub. & Ecclesiæ, judica-  
bunt illud mecum, opus esse reme-  
dio, quod partim ab iis, partim à  
pio & prudenti Magistratu debet  
expectari. Ab iis, ut ex verbo Dei  
ita populum instituunt, qui dein-  
ceps his non adhæreat quasi ne-  
cessariis, & ab omni superstitione  
& vanitate abducatur. Ut norit  
sua etiam maximè interesse, ne  
mos ille inveteratus diutius ser-  
pat: Quod si fiat, Pastoribus & po-  
pulo in eundem sensum pertracto,  
difficile non erit communibus vo-  
tis, cōmunem Magistratum pium  
movere, ut templa vivis fidelibus  
libera maneant, nec amplius in iis



moveatur terra, quæ vix sufficit tot  
cadaveribus in cinerem redigen-  
dis: unde etiam aliquando eve-  
nit, ut ossa adhuc madida & sanie  
cruentata oculis subjiciantur. Si  
quæ sint in ambitu civitatum cœ-  
meteria, asserventur, ut si fortè tu-  
to non possint per hostium impe-  
dimēta egredi cives, tunc habeant  
in ipsis pomœriis locum paratum.  
Aliàs, extra civitates spatiosa deli-  
gant cœmeteria, muris & si velint  
fossis circumvallata, in quibus ho-  
nestè sepeliri possint omnium or-  
dinum Christiani: præsertim quo  
tempore grassatur pestilentia. Sic  
enim periculum non erit, quemad-  
modum in locis conclusis, ne va-  
pores illi locum totum compleant  
& accedentes inficiant. Nullus in-  
cutietur metus infirmis, qui tamen  
ex ea causâ proficiscitur, quæ con-  
stātem virum potest movere. Non  
acce-



accedent timidi ad locum orationis, & recurret illud Chrysostomi, sermone de fide & lege naturæ, funus extra urbem deducantibus. Omnis civitas, omne Castellum ante ingressum sepulchra habet, ut cōtendens intrare in civitatem quæ imperat & floret divitiis & potentatu, aliisque dignitatibus, postquam videt quod secum concipit, videat primum quod sit. Ante portas sunt sepulchra, ante agros sunt sepulchra. Vbi-que ante oculos est nostræ humilitatis schola. Etiamnum in Gallia, vix ulla reperietur civitas quæ cœmeteria sua extra urbem non habeat.

Ut id obtineatur in hisce provinciis, optandum magis est quam sperandum. Si tamen id consultum non videatur ut vetus consuetudo, quantumvis contra rationem & bonos mores introducta, penitus immutetur: Id saltem fiat ad quod necessitas urget, & quod ex-

F 3 perien-



perientia docuit, debuisse ab initio constitui, ut infecta cadavera sine personarum delectu, honesto loco, sed extra civitates, deportentur, nec opus sit deinceps in areis templis adjacentibus, præ cadaverum multitudine coacervatorum, terram aliunde petere quæ possit injici; quod certè dictu, nedum visu horrendum videtur, & ab omni humanitate abhorrens. Id ego inter ea repono, quæ tali tempore ad magistratus curam pertinent, & quorum, populis sibi subjectis sunt debitores, ne respublica & Ecclesia plus detrimenti capiant. Spero etiam proprio periculo cautos futuros qui id hætenus neglexerunt, & modum posituros his abusibus, quorum fontem turbidum, me satis detexisse non dubito.

Nunc, velut ex diverticulo, ad institutum nostrum redeo, &  
quod



quod initio dixi, iterum inculco,  
 non opus esse disputatione, sed  
 vitiorum amputatione; in quo, ut  
 spero, omnes consentimus, ut &  
 in eo, quod charitatis officia ne-  
 cessaria, nunquam, nec ullo casu  
 sint intermittenda. Tantùm uni-  
 cuique cogitandum est, quid cha-  
 ritas magis suadeat, pluribus & di-  
 versis charitatis objectis occurrē-  
 tibus: atque diligenter expenden-  
 dum, quid cujusque vocatio po-  
 stulet, utque duos hos scopulos,  
 (quod rectè monet Zanchius,) in  
 hac occasione vitemus; *stultam te-  
 meritatem, & nimium vitiosumque  
 pavorem*: alioquin illa faceret, ut  
 nihil timentes, nos & alios simul  
 perderemus: hic autem efficeret,  
 ut volentes vitæ nostræ consulere,  
 opus Christi desereremus. In me-  
 dio igitur consistentes, ita confi-  
 demus in Domino & fortes eri-  
 mus,



mus, ut tamen vitæ & valetudinis conservandæ media non negligamus: Ita etiam curam utriusque moderabimur, ut nihil detrahamus de eo, quod Deo & proximo debemus. Quæ autem mortis meditatio omni tempore utilis est, eam maximè necessariam censebimus, *cum tot præter domos nostras ducuntur exequiæ. Ideò enim (quod Senecæ verbis dicam,) ad latus mors est, quæ quoniam non cogitatur, nisi aliena, nobis subinde ingeruntur mortalitatis exempla. Quæ cum tam frequentia & numerosa habeamus ante oculos, ea etiam infigamus animo, & omnibus omissis hoc unum meditemur, ne nimium formidemus nomē mortis, sed efficiamus eam nobis multa cogitatione familiarem, ut si ita tulerit, possimus illi vel obviam exire, & per eam in occursum sponsi,*



AD AMICVM. 129

sponsi, qui per mortem, mortis  
abolevit imperium. Firmet in no-  
bis Deus hanc mentem, reque  
cum tuis omnibus & aliis amicis,  
bono publico seruet incolumem.  
Vale. Hagæ Comitum xv. Kalend.  
Febr. clc lcc xxxvi.

*Finis Epistola A. Ruyter*

F. 5

TY-



# TYPOGRAPHVS

LECTORI S.

**E**Xplendis aliquot paginis, & quo iustam  
molem libellus hic nancisceretur, pla-  
cuit ad finem ejus adjungere illustria ali-  
quot partim antiquitatis, partim recentio-  
ris ævi exempla, per quæ pestis vis effera  
& contagiosa, à nonnullis in dubium vo-  
cata, confirmatur.

P E-





P E S T I S  
A T H E N I E N S I V M  
M E M O R A B I L I S

*Ex Thucydidis Histor. lib. 2.  
descriptio.*

**P**Aucis pòst diebus cœpit  
Athenienses primùm pe-  
stis invadere, quæ quidem  
anteà multis tum circa Le-  
mnum tum & aliis in locis grassata  
ferebatur: veruntamen pestilentia  
nec tanta uspiam alibi, nec homi-  
num strages quanta tum Athenis  
accidisse memorabatur. Nec enim  
opis quicquam afferebant Medi-  
ci, qui inter initia mali incogni-  
tum adhuc sibi morbum curare  
aggrediebantur, quin & ipsi omnium  
maximè moriebantur ut proximè ad  
egrotos



*agrotos accedebant*: atque uti non ju-  
vabat Medicina, ita multò minùs  
ulla alia ars humana juvare pote-  
rat. Sed & quæcunque cives ad sa-  
cras ædes vota nuncupavere sup-  
plicia, consulta vatum oracula, &  
quotquot ejusmodi divina quæsi-  
vere remedia, omnia certè frustra  
fuere. Adeoque divina pariter &  
humana auxilia vi mali superati  
tandem missa fecerunt. Inchoavit  
autem primùm quidem, uti ferunt,  
ab ea Æthiopiæ parte quæ supra  
Ægyptum est, deinde etiam in Æ-  
gyptum Libyamque pervasit, ut  
& in magnam Regis Persarum di-  
tionis partem. Pòst in urbē Athe-  
niensium derepentè incidit, ac pri-  
mùm quidem homines in Piræo  
tentavit: quæ causâ fuit, ut vulgò  
venena dicerentur in puteos (nec-  
dū enim erant eò loci fontes) à Pe-  
loponnensibus injecta fuisse. Mox  
&



& in civitatis superiorem partem  
ea permanavit: tumque multò plu-  
res occidebant. De eo igitur malo  
pronuntiet pro suo quisque judi-  
cio Medicinæ peritus juxtà & im-  
peritus, unde id ortum fuisse sit ve-  
risimile, quasque causas existimet  
idoneas extitisse quæ ad tam gra-  
vem mutationem vim haberent.  
Equidem id mali cujuscumque fuerit  
referam, & quibus potissimum in-  
diciis præmonitus à me possit ali-  
quis pestilentiam, si quando rur-  
sum ingruat, internoscere, doce-  
bo: ut qui & ægrotaverim ipse &  
laborantes alios viderim. Enim-  
verò annus is omnium maximè,  
quod erat in confesso, aliarum æ-  
gritudinum immunis erat. Quòd  
si qui morbis aliis antea labora-  
bant, ii omnes in hunc pestilen-  
tiæ morbum vertebantur. Cæte-  
ros autem integrè fanos nulla oc-  
casio-



casione, imò etiam ex improvìso  
principiò quidem vehementes ca-  
pitis ardores & oculorum rubores  
cum inflammatione corripiebant.  
Intimæ verò partes oris tum fau-  
ces, tum etiam lingua continuò  
cruore manabant halitumque te-  
trum & graveolètem emittebant.  
His deinde sternutatio & raucitas  
accedebant: nec ita multò pòst  
dolor in pectus cum violenta tussi  
decumbebat, qui cùm in corde  
hæserat firmatúsque erat, ipsum sub-  
vertebat: rúmque bilis expurga-  
tiones quotquot suis nominibus  
figillatim Medici designarunt o-  
mnes cum ingenti cruciatu super-  
veniebant. Singultus inanis vexa-  
bat complures, violentam ciens  
convulsionem: quæ quidem aliis  
paulò pòst, non nisi longo pòst tē-  
pore aliis sedaretur. Et summum  
quidem corpus tactu non magno-  
perè



perè calidum sentiebatur, nec erat  
aspectu pallidum, sed subrubrum,  
lividum, pustulis exiguis ac ulceri-  
bus efflorescens. At verò corporis  
interiora urebantur & flagrabant,  
ut ne stragularum quidem vestium  
neq; linteorum perquam tenuium  
velamina sustinerent, nec præter  
nuditatem aliud quicquam tolera-  
re possent: imò verò seipsos etiam  
in gelidam conjicere & in ipsos  
puteos sese præcipites dare percu-  
perent: quod quidem inexplebili  
fiti adactos fecisse constat non pa-  
rum multos ex hominum eo nu-  
mero quibus custodes defuere. his  
verò ad sitim depellendam æquè  
satisfaciebat parcior atque libera-  
lior potus. Inquies quoque maxi-  
ma & perennes urgebant vigiliæ.  
Neque tamen corpus etiam dum  
morbi vigor esset emaciabatur, sed  
impetū morbi hominum opinio-  
ne



ne fortiùs sustinebat. Itaque plerique aut nona septimave die etiam tùm virium aliquid habentes reliqui, præ interno æstu & ardore necabantur : aut si tempus id superaverant, in alvum derivato morbo inibique ulceratione vehementi coorta, simul & accedente immoderato profluvio, tandem præ virium infirmitate peribant. Etenim quæ lues sedem primùm in capite posuerat, supernè exorsa corpus universum pervagabatur. Quòd si quis è maximis hisce periculis superstes evaserat, nihilominus extremas ipsius partes occupans læsio tanquam expressum quoddam vestigium magnitudinis morbi relinquebatur. irrūpebat enim morbus tandèmq; decumbebat tum in pudēda, tum etiam in summas manus summosq; pedes. Ac partibus hisce mutilati multi mortem effugiebant.



giebant. Sunt qui oculis privati  
 manserint in vita. Nōnullos etiam  
 cū primū ex morbo assurrexi-  
 sent, eo ipso momento rerum per-  
 æque omnium tanta cepit oblivio,  
 ut & seipso & necessarios ignora-  
 verint. Porro genus hoc morbi nō  
 modò fuisse majus quā ut oratio-  
 ne dignè possit exprimi, sed etiam  
 à vulgaribus aliis longè diversum,  
 tum quòd quā ferret humana  
 natura gravius acerbiusque ægro-  
 rum unumquemque afficiebat, tum  
 vel hoc ipsum omnium maximè  
 indicavit, quòd alites atq; quadru-  
 pedes eæ quæ carnibus humanis  
 haudquaquam abstinent, quamvis  
 hominum conferta cadavera jace-  
 rent insepulta, ad ea tamen tūm  
 temporis vel non accedebant, vel  
 certè degustatis iis interibant. Ar-  
 mento fuerit alitum ejusmodi ma-  
 nifesta insolensq; penuria: quippe  
 quæ



quæ nec circa projecta cadavera  
 nec usquã alibi comparerent. Ejus-  
 ce verò rei majus certiùsve speci-  
 men dabant canes, tanquam ho-  
 minum alioqui hospites & quasi  
 convictores. Atq; ut de morbi in-  
 solentia multa præteream, is pror-  
 sus ejusmodi suapte natura fuit: ni-  
 si quatenus diversum quiddam alii  
 ab alio contingebat. E consuetis  
 morbis tũ alius nullus infestabat:  
 si qui verò oborirentur, in hunc  
 ipsum desinebant. Moriebantur  
 autem pars quidem per incuriam  
 neglecti, alii verò quantumvis dili-  
 genter atque sedulò curati. Nec  
 enim, ut uno verbo rem comple-  
 ctar, ullum compertum est reme-  
 dium, quod exhibitum certò juva-  
 ret: quippe quod uni profuerat, id-  
 ipsum nocebat alteri. Neque rur-  
 sum visum est corpus ullum seu fir-  
 mæ seu infirmæ valetudinis, quod  
<sup>sup</sup>adver-



adversum morbi vim satis instru-  
ctum foret: quin conficiebantur  
pariter omnes, etiam qui omni vi-  
ctus ratione observata curabatur.  
Malorum autem omnium id unum  
teterimum maximéque horren-  
dum fuit, quod qui sese morbo im-  
plicitos sentirent, animos illico  
despondebant (siquidem spe salu-  
tis penitus sublata confestim ma-  
gis magisque seipsos abiciebant,  
nec remedia quærebant quibus ipsi  
morbo resisterent) & dum alii alios  
curarent, contagium pecudum instar  
haurientes eademque vi morbi repleti  
moriebantur. Et hæc quidem magna ex  
parte internecionis causa fuit: nam sive  
metu deterriti nollent ad sese invicem  
accedere, opis expertes atque adeo deserti  
peribant (multas quippe domus pe-  
nuria ministratium exhaustas fuisse  
constat) sive etiam accessissent, utri-  
que pariter interibant, iique inter cate-  
ros



ros qui virtutis, humanitatis & officii  
partem aliquam sibi vendicabant. Hi  
enim vel pudore coacti haud qua-  
quam sibi parcebant in adeundis  
amicis: quandoquidem animad-  
vertebant pereuntium lamentatio-  
nibus & querelis tandem & ipsos  
propinquos atque domesticos mi-  
nimè moveri, sed iis etiam succū-  
bere atque fatiscere ipsius mali ve-  
hementia superatos. Veruntamen  
morientium laboratiūmq; sortem  
ii præcipuè miserabantur qui prius  
evaserant: tum quia morbum prius  
experti quàm gravis aliis esset haud  
erant ignari, tum quia & ipsi jam in  
tuto versabantur erantq; de seipsis  
planè securi. Eundem enim bis mi-  
nimè prehendebat morbus, qui  
certè quidem ad exitium deduce-  
ret. Illi iccirco ab aliis beati habe-  
bantur, & ipsi ex præsentī repen-  
tinaq; lætitia in posterum quoque  
ad



ad eam levem inanemq; spem devolvebantur, ut ne ab alio quidem unquam morbo absumtum iri se crederent. Urbanos autem præter ingruentem vim mali pejus etiam habuit ex agris hominum undique frequens in urbem appulsus atque conventus: & is quidē ipsis etiam advenis atq; agrestibus qui in urbem confluxerant nihil minùs fuit infestus & exitialis. Quòd enim domus iis non suppetere, ac proinde in tuguriolis æstuosis & angustis ea anni tempestate agere, cogerentur, fœda & confusa quædam hominum strages edebatur. Siquidem moribundi mortuis acervatim accumulati passimque in viis strati jacebant, ac semianimes aquarum desiderio circa fontium rivos undiq; volutabantur. Quin & templa in quibus sibi tabernacula collocaverant, hominū erant referta



referta cadaveribus, qui in dies eo ipso in loco moriebantur. Nam gravius scæviente malo nil pensi habentes miseri quid agerent ac veluti mēte capti, ad rerum sacrarum æquē ac profanarum contemptum & despicientiam animos converterunt, tūmq̃ue jura sepulturæ pristina omnia violata fuere. Sepeliebat enim quo quisque loco poterat. Ac multi quidem omni pudore posito aliena usurpabant sepulchra, quòd ob crebram antè editam domesticorum stragē sibi propria & opportuna deessent. Præoccupatis itidem quos alieni extruxerant rogis mortuum suum alii imponebant flammaque subdita incēdebant, alii tūm etiam cū jam cremaretur cadaver aliud, suo quòd efferebant funere superinjecto discedebant. Cæterū hic idē morbus civitati multò magis ad aliud



aliud genus omne vitiorum fenestram aperuit. Etenim tùm primum audaciùs & ex animi sententia cœpère quisque ea in publico patrare quæ priùs non nisi clàm & occultè alioqui facturi erant, ne luxui atque libidini nimium inservire viderentur. Nempe quia cernebant rerum mutationem momentaneam adeò, ut magnam partem locupletes derepentè tollerentur è vita, & qui priùs inopes fuerant quæ illi possederant confestim occuparent, operæ precium censebant suis quisque fortunis & opibus quamprimum & ad voluptatē perfrui: ut qui corpora æque ac fortunas caduca uniusque ferè esse dieculæ arbitrantur. Nemo denique studiosus erat elaborandi in eo quod honestum videretur, incertū existimans an priùs quàm illud assequeretur esset interiturus

néc-



nécne. Quod autem noverat unusquisque voluptuosum ac modis omnibus questuosum sibi esse, idem honestum statuebat & utile. Hos neque religio neque humana lex ulla coërcere poterat: quippe pietatem & impietatem eodem loco ponebant, quòd juxtà bonos malosque mortem oppetere cernebant: turpius verò facinorum pœnas daturum se nemo exputabat, etiamsi vita produceretur dū exercerentur judicia: pœnam interea multò graviolem decretam jam atque constitutam suo quisque capiti impendere judicabant, quam quidem priùs quàm sustinerent, par existimabant esse ex vita fructum aliquem capere ac genio liberaliùs indulgere.

JOAN.





# JOANNES BOCCATIVS

in descriptione pestis, quæ Anno 1348.  
Florentiæ grassabatur, inter alia hæc  
refert; quæ ex Italico idiomate transla-  
ta, hîc subjunxisse operæ erat pretium.

**E** Vit hujusce pestilentia  
vis longè maxima: haud  
secus enim sanos, ægro-  
rum utentes consuetu-  
dine, ea impetebat, quàm solet  
ignis materiam aridam unctamq;  
propius admotam, confestim cor-  
ripere. Habebat præterea & hoc  
mali, quod non solum per mutua  
inter infectis colloquia commer-  
ciaque integri afflarentur, & le-  
ni cōmunis accerserent sibi cau-  
sam; verum etiam pro comperto  
est, ipso contactu vestimentorum,  
G aut



aut rei cuiuscunque alterius, qua morbo eo flagrantibus erant usi, labem hanc in plures transiisse. Mirabile auditu imprimis est, quod nunc recensebo; quodque, nisi à me, aliisque quamplurimis fuisset conspectum, vix credere auderem, ne dicam scribere, etsi à fide dignissimo id accepissem viro. Dico itaque, tam immanis ferociae extitisse virus prædictæ pestilentiae in serpendo ac proximum quemque contaminando, ut non solum homines sese mutuo inficerent; verum, quod multo est majus, sæpe numero accideret evidentissime, ut si aliud ab homine animal quicquam earum rerum contrectasset, quas is qui ea lue laboraverat, vel extinctus erat, reliquisset, illud simili non modo malo tentaretur, sed breve etiam intra temporis spatium perimeretur. Cujus rei

ocu-



oculis meis, ut paulo ante dicere institueram, tale aliquando cepi experimentum. Etenim projectis in viam publicam laceris attritisque cujusdam pauperis viri pannis, quem pestis abstulerat, duo porci fortè in eos incidentes, pro more suo, primum rostris versare eos aliquamdiu, mox dentibus prehendere ceperunt, & circumcirca capita concutere. qua ex re evenit, ut iidè illi, exiguo interjecto tempore, & post aliquot in gyrum circumactus, perinde ac si præsentaneum hausissent venenum, ambo in terram, ipsosque illos laceros pannos, infeliciter contrectatos, exanimis conciderent.

G 2

AV-



## AVGERIVS BVSBEQVIVS,

Cæsareus apud Turcarum Imperato-  
rem Legatus, epistola prima Turcicæ  
Legationis.

**C**ommendarant mihi collegæ  
quosdam de suo comitatu,  
longioris in Turcia moræ impa-  
tientes, ut eos mecum reducerem.  
cum his ergo bidui iter progressus,  
video qui inter eos erat caput,  
quemq; ab officii nomine Veivo-  
dam vocabant, ferri in curru, egro-  
tum nudato pede; in quo pestilen-  
tem anthracem habebat, doloris  
allevationem hac ratione quærens.  
Ea res nos omnes quidē vehemen-  
ter cōmovit, verentes ne hic mor-  
bus, ut solet, latius serperet. neque  
diutius cum hoc morbo est confli-  
ctatus, quàm dum Hadrianopo-  
līm, quæ non longè aberat, venire-  
mus. quo ex loco migravit ad plu-  
res.



res. Ecce hic aliud ex alio malum.  
 reliqui Hungari in mortui exuvias  
 involant: alius caligas, alius thora-  
 cem, alius, ne quid periret, interu-  
 lam, alius lintheamina arripit: neque  
 prohiberi possunt quin se nobis-  
 cum una in apertissimum pericu-  
 lum conjiciant. circūcursabat me-  
 dicus, perque Deum obtestabatur  
 ne illa tangerent, ex quorum con-  
 tagio certum paratū esset exitium.  
 sed surdis canebat. Ergo altero,  
 quā Hadrianopoli discesseramus,  
 die illi iidem frequentes medicum  
 meum circumfistere; adversus ca-  
 pitis dolorem totiusque corporis  
 gravitatem cum animi quadam tri-  
 stitia & dejectione conjūctam re-  
 medium petere; pestis esse initia,  
 suspicari. Hic medicus: non se fru-  
 stra monuisse; habere eos quod  
 tantopere expetivissent; nolle qui-  
 dem iis deesse: sed quam faculta-



tem rebus omnibus necessariis in  
itinere destituto dari? Eo ipso die  
cum ambulatum, uti mos meus  
erat simul in hospitium veneram,  
siquid fortè dignum cognitu repe-  
rirem, prodiissemus: in prato quo-  
dam herba incognita sese mihi of-  
ferebat. ex qua folia decerpta cū  
naribus admovissem, odoremque  
alii percepissem: medico, si fortè  
cognosceret, in manus dabam.  
quam ille diligentius inspectam  
scordion esse pronunciat; sublati-  
que in cælum manibus Deo gra-  
tias agit, quòd nobis remedio tam  
opportuno adversus pestem sub-  
venisset: dehinc vim magnam col-  
ligit; eamque in grandem ollam  
conjicit, ignique admovet ut de-  
coquatur: Hungaros bono animo  
esse jubet, atque in eos decoctum  
hoc partitur; ut jam cubitum ituri  
bene calens cum terra Lemnia ele-  
ctuario-



ctuarioque diascordii sumant; monetque ne somnum antè capiant quàm sudorem multum sudarint. qua re observata, illi postridie redeunt; sibi que melius esse narrant. eandem potionem denuò flagitant. qua hausta planè convalescunt. Sic nos Dei benignitate terræ illius luis metum effugimus.

*Idem Epistola quarta.*

**T**Vrcas à peste securos, sed non tutos præstat opinio, qua mortis tempus, & genus uniuscujusq; fronti à Deo inscriptum persuasum habent. Si mori fatum sit, frustra declinari; sin contrà, stultè metui. Itaq; vestes & lintea in quibus peste egri animam exhalarunt, etiamnum à mortifero sudore madentes contrectant, imò iis perfricant faciem. Si Deo, inquiunt, visum ut sic moriar, fieri necesse est; sin minus,

G 4      obesse



obesse non poterit. Sic contagioni  
latus patefit aditus, totæque in-  
terdum familiæ ad unum emo-  
riuntur.

P. ANDREAS MATTHIOLVS

ad librum Dioscoridis de Venenis.

**C**Æterum hac in re, licet non-  
nulli dicant venenum cum vi-  
ta animalis cõsumi, eo ducti exem-  
plo quod cervi, lupi, apri, & reli-  
quæ feræ, quæ venenatis sagittis  
conficiuntur, innocuè comedan-  
tur; scire tamen oportet, hanc re-  
gulam deficere in his quæ pestis,  
aut rabies, aut fulminis ictus, aut  
venenosorū morsus enecat. Quan-  
doquidem complures vidi mor-  
tuos esse, qui tantum boves peste  
confectos ex coriaverant, haud ali-  
ter toto corpore tumentes, ac si in  
hydropem incurrissent.

Fore-



*Forestus Scholio ad observ. 22.*

*lib. 6. de febr.*

**P**Roditum est, anno 1511, cum per Germanos Verona tene-  
retur, exorta peste, qua hominum  
fere decem millia periere, ex una  
veste pellicea non pauciores quam  
quinq; & viginti Teutones obiisse.  
Uno defuncto alius induebat eam  
vestem, donec monefacti ex tor  
defunctis, vestem combussere. I-  
pse quoque memini, septem pue-  
ros extra murum Alcmariæ ex pe-  
ste obiisse, cum mater vestimenta  
ex Zelandia attulerat cujusdam  
hæredis ex peste mortui, quæ soli  
exposuerat, pueris in illis vestibus  
colludentibus, è quibus pestis ob-  
orta est: quæ omnes interfecit. Ita  
virus latitare potest ad aliquor  
menses.

EVER-



## EVERARDVS REIDANVS

Historiæ belli Belgici Libro xvi. qui  
complectitur res gestas anni 1599.

**A**Ccessit huic malo pestilentia,  
sed haudquaquam conferen-  
da illi, quæ proximis annis Ger-  
manos, Gallos, Hispanosque vexa-  
verat. Olyssipone ann. MDXCVIII.  
CL hominum millia interiverant.  
Sed inprimis memoranda quæ ex  
Africa redeuntes narrabant, Ma-  
rocci quaterna sæpe, sæpe sena de-  
functorum millia singulis diebus  
numerata. Non multo pauciores  
Fessæ extinctos. Suesam urbem us-  
que adeò lue exhaustam, ut qui su-  
pererant invalidis ad portarū cu-  
stodiam, digressi Atlante monte  
latrones oppresserint, direptisque  
vestibus & supellectili, pestilenti-  
am circumjectis locis intulerint, qua  
hominum decies centena millia  
periissent.



**Emendanda.**

Pag. 57. lin. 12. varias, *lege* varia. pag. 90.  
lin. 10. in majo mense qua *lege* Majo  
mense, in qua. pag. 109. lin. ult. TERRA  
*lege* TETRA.

**F I N I S.**



